

ՎԱՀԱԳԱՆ Ա. ՍԱՐԳՍՅԱՆ
ԵԼԵՆԱ ԶԻԼԱԿՅԱՆ
ՔՆԱՐԻԿ ԳԱԼՍՏՅԱՆ

ՀԵՂԻՆԵ ԽԱՉԱՏՐՅԱՆ
ՍՈՒՍԱՆՆԱ ԳՐԻԳՈՐՅԱՆ
ՆՈՒՆԵ ՍԱՐՈՒԽԱՆՅԱՆ



ՄԱՍ 1

ՄԱՅՐԵՆԻ 4

ՄԱՅՐԵՆԻ4 ՄԱՍ 1

ՎԱԶԱԳԱՆ Ա. ՍԱՐԳՍՅԱՆ
ԵԼԵՆԱ ԶԻԼԱԿՅԱՆ
ՔՆԱՐԻԿ ԳԱՍՏՅԱՆ

ՀԵՂԻՆԵ ԽԱՉԱՏՐՅԱՆ
ՍՈՒՍԱՆՆԱ ԳՐԻԳՈՐՅԱՆ
ՆՈՒՆԵ ՍԱՐՈՒԽԱՆՅԱՆ

ՄԱՅՐԵՆԻ 4

Հանրակրթ ական դպրոցի դասագիրք

Մաս 1

Նկարիչ՝
Խորեն Հակոբյան



ՀԵՂԻՆԱԿԱՅԻՆ ՀՐԱՏԱՐԱՆԿՈՒԹՅՈՒՆ
ԵՐԵՎԱՆ-2025

ՀՏԴ 373.3:811.19(075.3)

ԳՄԴ 81.51g72

Մ 239

Մայրենի 4 /Մաս 1/ Վ. Սարգսյան և ուրիշներ;
Մ 239 Նկարիչ՝ Խ. Հակոբյան.- Եր.: Հեղ. հրատ., 2025.- 100 էջ:

ՀՏԴ 373.3:811.19(075.3)

ԳՄԴ 81.51g72

ISBN 978-9939-0-4801-7

© Սարգսյան Վաչագան Ա., 2025

© Խաչատրյան Հեղինե, 2025

© Ջիլավյան Ելենա, 2025

© Գրիգորյան Սուսաննա, 2025

© Գալստյան Քնարիկ, 2025

© Սարուխանյան Նունե, 2025

ՈՎ ԵՆՔ ՄԵՆՔ



Այս դասին դու՝

- Կամրապնդես բարդ բառերի մասին գիտելիքների:

- Կիմանաս, որ բառերն էլ կարող են քեզ համար լինել տուն և տանիք:



- Կպարզես, թե ինչ է հայրենիքը քեզ համար:

- Կպատմես, թե ինչ ես անում դու հայրենիքի համար:

ԵՐԳ ԲԱՌԵՐԻ ՄԱՍԻՆ

Երվանդ Պետրոսյան



Դու երբևէ մտածե՞լ ես, որ բառերն էլ ունեն համ ու հոտ, հույս ու լույս:



Հայր եմ ասում,
Մայր եմ ասում,
Ասում եղբայր,
Ասում քույր,
Եվ բառերից
Լույս եմ առնում,
Հույս* եմ առնում,
Համ ու բույր*:

Հաց եմ ասում,
Ջուր եմ ասում,
Ասում եմ հող,
Հայրենիք,
Եվ բառերն այդ
Կարծես տուն են,
Տուն են կարծես
Ու տանիք:



Հարցեր

1. Ո՞ր բառերից է լույս ու հույս, համ ու բույր առնում բանաստեղծության հերոսը:
2. Ուրիշ ի՞նչ բառեր է կարևորում նա:
3. Հերոսի համար ի՞նչ է հայրենիքը:

Առաջադրանքներ

- 1  Լրացրո՛ւ անավարտ նախադասությունները:

Երբ կարդացի բանաստեղծության վերնագիրը, մտածեցի, որ _____:

Երբ կարդացի բանաստեղծությունը, հասկացա, որ _____:

- 2  Դու ի՞նչ լավ գործեր ես անում քո ընտանիքի, դպրոցի, բակի, համայնքի համար:



3



Ինչ է հայրենիքը քեզ համար: Հիշիր «Մայրենի 2»-ը:



4



Հայր, մաս, մայր, սեր, հաց, քաղաք, տուն, հող, քույր, եղբայր բառերով կազմիր բարդ բառեր և գրիր:

5



Շեփորից դուրս են եկել բառի մասերը:

Օգնիր երգ արմատին՝ գտնելու իր կորցրած մասերը և գրիր:

Օրինակ՝

զույգ + երգ = զուգերգ:

զույգ
-ող
-արան
համ
բայլ
խումբ
-իչ
պար



ԴԱՍԻՑ ՔԱՂԱԾ ԻՄ ՊՏՈՒՂՆԵՐԸ





Քո արած լավ գործերն էլ կարող են համ ու բույր տալ ընտանիքիդ, ընկերներիդ, շրջապատի մարդկանց:

Այս դասին դու՝

- Կամրապնդես պարզ, բարդ և ածանցավոր բառերի մասին ունեցած գիտելիքներդ:
- Կիմանաս, թե հեքիաթի հերոսն ինչ է պահել գորգի տակ:



- Կբացահայտես, որ բոլորն էլ ինչ-որ բան կարող են թաքցնել գորգի տակ:
- Կպարզես, թե ինչպես էր փոքրիկ աղջիկն իրականացնում իր երազանքները:

ԳՈՐԳԻ ՏԱԿ

Դոնալդ Բիսեթ



Կարո՞ղ ես պատկերացնել, որ ձին ու վագրը կարող են միասին ապրել գորգի տակ:



Լինում են, չեն լինում՝ մի վագր ու մի ձի են լինում: Նրանք մտերիմ ընկերներ են լինում: Ապրում են նկարչասենյակում՝ գորգի տակ:



Նրանք սիրով են ապրում նկարչասենյակում, քանի որ սիրում են նկարել:

Մերին՝ փոքրիկ աղջիկը, որն ապրում էր այդ տանը, մի անգամ հարցրեց նրանց.

– Ինչպե՞ս եք կարողանում գորգի տակ մտնել: Ինչպե՞ս եք դառնում այդպես հարթ*:



- Որովհետև մենք երևակայական* կենդանիներ ենք, – ասացին նրանք:
- Ես երևակայական վագր եմ:
- Իսկ ես երևակայական ձի եմ:



– Իսկ դու որտեղ ես պահում քո խոտը,– հարցրեց Մերին ձիուն:

– Գորգի տակ,– ասաց նա,– դա երևակայական խոտ է:

– Դու էլ ես քո ուտելու ոսկորները պահում այնտեղ,– հարցրեց Մերին վագրին:

– Այո՛,– ասաց նա և անհետացավ գորգի տակ:

Ձին հետևեց նրան, և Մերին մնաց մենակ:

Հետո նա վերցրեց իր ալբոմը, շաքարի կտորներ նկարեց ու դրեց գորգի տակ:

Շուտով աղջիկը գորգի տակից լսեց ձիու գոհ ձայնը: Ձին ուտում էր շաքարը:

Ապա Մերին թղթի փոքրիկ կտորի վրա գրեց. «Ինչ են սիրում վագրերը» և դրեց գորգի տակ: Մի փոքր աղմուկից հետո ձին գլուխը հանեց գորգի տակից ու ասաց.

– Խոտով բրդում:

Մերին նայեց նրան.

– Դու չարաճճի* ձի ես: Խոտով բրդումը* ձիերի սիրած ուտեստն է: Հիմա գնա՛ ու վագրին հարցրու, թե նա ինչ է սիրում:

- Որտեղ էին ապրում երևակայական կենդանիները:
- Աղջիկն ինչպե՞ս պարզեց, թե ինչ են սիրում վագրերը և ձիերը:
- Ինչո՞ւ Մերին ձիուն չարաճճի անվանեց:
- Քո կարծիքով՝ ի՞նչ կուզեր վագրը:

Ձին գնաց, ու հայտնվեց վագրը.

– Ես ուզում եմ ժամացույց ունենալ, որ կարողանամ ժամն ասել,– ասաց վագրը:

– Շատ լավ,– ասաց Մերին, նկարեց ժամացույց ու տվեց վագրին, հետո նկարեց խոտով բրդուճներ ու տվեց ձիուն: Ձին անհետացավ*:

Շուտով երկուսն էլ դուրս եկան գորգի տակից:

– Շնորհակալություն, Մերի,– ասացին ու համբուրեցին աղջկան:

– Այսօր ուրիշ ի՞նչ կցանկանաք,– հարցրեց Մերին:

– Միայն անձրևոց ենք ուզում,– ասացին երկուսն էլ:

– Անձրևո՞ց,– զարմացած հարցրեց Մերին,– բայց գորգի տակ անձրև չկա: Վայ, մոռացել էի, դա երևակայական անձրև է:

– Իհարկե,– ասացին ընկերները:

Մերին նկարեց անձրևոց և տվեց նրանց:

– Շնորհակալություն և բարի գիշեր,– ասացին նրանք:

– Բարի գիշեր,– ասաց Մերին ու գնաց քնելու: Հետո մտածեց. «Նրանք ունեն գեղեցիկ նոր անձրևոց, բայց այնտեղ ոչ մի անձրև էլ չկա»: Ապա թղթի մեծ կտորի վրա անձրև նկարեց, գնաց նկարչասենյակ ու դրեց գորգի տակ:

Հաջորդ առավոտ, երբ Մերին մտավ նկարչասենյակ, սենյակը լցված էր ջրով, իսկ վագրն ու ձին նստած էին անձրևոցի* վրա, ինչպես նավակի մեջ:



Կարդա՛ նկարին
համապատասխանող
տողերը:

«Անձրևը բավականին վարար է եղել», – մտածեց Մերին:

Նախաճաշից հետո, երբ նա վերադարձավ նկարչասենյակ, մայրիկը մաքրում էր գորգը: Ո՛չ ջուր կար, ո՛չ անձրևոց, ո՛չ ձի, ո՛չ էլ վագր:

Նա նստեց նկարչասենյակի մոտ ու սկսեց նկարել ձի ու վագր՝ քնած վիճակում: Շուտով մայրիկը դուրս եկավ սենյակից: Նկարչասենյակում լռություն էր տիրում: Մերին մենակ էր: Շուտով նա ինչ-որ ծայներ լսեց գորգի տակից: Ձին ու վագրը խռմփացնում էին:



Հարցեր

1. Քո կարծիքով՝ վագրի ինչի՞ն էր պետք ժամացույցը:
2. Մերին էլ ի՞նչ նկարեց վագրի և ձիու համար:
3. Ի՞նչ պատահեց դրանից հետո:
4. Քո կարծիքով՝ ի՞նչն էր անսովոր այս պատմության մեջ:

Առաջադրանքներ

1   Նկարիր այն երևակայական աշխարհը, որի մասին կուզես պատմել ընկերոջդ:

2   Գրիր՝ ի՞նչ կցանկանայիր պահել գորգի տակ: Այդ մասին պատմիր ընկերոջդ և լսիր նրա տարբերակը:

3  Վանդակներում լրացրու այնպիսի տառեր, որ տողերում կարդացվեն գոյականներ, իսկ ընդգծված սյունակներում՝ **կարծր** ածականի հոմանիշներ:

	արա	
	զն	
	ուշա	
	աղան	

4



Տեքստից դժուար գիրը պարզ, բարդ, ածանցավոր երեքական բառ:

5



Տեքստը պատմիր որևէ հերոսի անունից:


Օրինակ:



Ես գորգի տակի Վագրն եմ: Հեղինակն ինձ շատ խելոք կենդանու տեղ է դրել: Գրել է նաև, թե ես իբր ապրում եմ գորգի տակ, այն էլ՝ ձիու հետ: Ախր ես ձիու միս շատ եմ սիրում, հաճույքով կուտեի գորգի տակի Ձիուն: Բայց, ավանդ, ես էլ եմ նկար, նա էլ: Ինձ թվում է՝ Մերին է մեզ այդպիսի համերաշխ կյանք տվել: Կարծում եմ՝ նա շատ բարի աղջիկ է: Ձիուն խոտով բրդուճներ է տալիս, ինձ էլ՝ ինչ ուզեմ:

Հիմա չգիտեմ, եթե մի օր նկարի միջից դուրս գամ ու դառնամ իսկական վագր, ինչ կանեմ, եթե հանդիպեմ նկարի միջից դուրս եկած իսկական ձիուն:

Մի խորհուրդ տվեք, սիրելի՜ երեխաներ:



6



Գրիր, թե ինչ ցանկություններ ունես և ինչ ես անում դրանք իրականացնելու համար:

Օրինակ: Ուզում եմ սովորել համեղ կերակուր պատրաստել, այդ պատճառով էլ կարդում եմ տատիկիս խոհարարական տետրը:

7



Վերականգնիր քանդված նախադասությունը:

Երազիր,

ձեռքերդ

մի՛

նստիր:

բայց

ծալած



Հարցեր	Պատասխաններ
	Որովհետև մենք երևակայական կենդանիներ ենք:
	Գորգի տակ:
	Միայն անձրևոց ենք ուզում:


Քննարկե՛ք գրված հարցերը խմբի ներսում և համեմատե՛ք մյուս խմբերի աշխատանքների հետ:



Ձիուն ու Վագրին բնութագրի՛ր տրված ածականներով.

մսակեր, սմբակավոր, խոտակեր, ընտանի, գիշատիչ,
ճանկավոր:

ԴԱՍԻՑ ՔԱՂԱԾ ԻՄ ՊՏՈՒՂՆԵՐԸ



Որ իրական դառնան իղձ ու երազանք,
Մենք պիտի ջանանք, ունենանք եռանդ:

Այս դասին դու՝

- Կամրապնդես նախադասության մասին ունեցած գիտելիքներդ:

- Կիմանաս, թե որն է



անսպառ հարստությունը:

- Կպարզես, թե ինչ գրքեր են կարդացել ծնողներիդ քո տարիքում:

ՀԱՐՍՏՈՒԹՅՈՒՆ

Միլվա Կապուտիկյան



Բազմած են շուրջս նրանք ամեն օր
Բոլոր հանճարեղ մեծերն աշխարհի,
Երգում են, պատմում ներդաշնակ ու խոր
Միտքն ու գաղտնիքը մահի ու կյանքի:
Ու էսպես՝ ինձ հետ, իմ տանն ամեն օր,
Ոչ հաց են ուզում ինձանից, ոչ շոր:

Հովհաննես Թումանյան



Թերթեր՝ դարսած իրար վրա,
Մի վերնագիր ու մի անուն.
Համեստ ու լուռ դրված է նա,
Դրված է նա պահարանում:

Եթե բացես, եթե կարդաս,
Նա քեզ կտա թևեր անտես,
Կհասցնի բարձունք անհաս*,
Նոր աշխարհներ կտանի քեզ:



Ուժ կլցնի նա քո հոգում,
 Նա կօգնի քեզ դժվար ժամին,
 Կսովորեցնի ապրել կյանքում,
 Ապրել հպարտ, ապրել ազնիվ:

Երանգ, երգեր, թովքեր* գարնան,
 Հույս ու ընկեր, կյանք ու գալիք*,
 Հարստությունն այս անսահման
 Մի պարզ բառով կոչվում է գիրք...



Հարցեր

1. Նկարագրիր գիրքը՝ օգտագործելով բանաստեղծության բառերը:

2. Վերընթերցիր երկրորդ քառատողը և բացատրիր իմաստը:

3. Ինչո՞ւ է հեղինակը գիրքը համարում հարստություն:

4. Իսկ քեզ համար ի՞նչ է հարստությունը:



Առաջադրանքներ

1  Քեզ ի՞նչ է սովորեցրել գիրքը: Իսկ ընկերո՞ջդ: (Լսիր նրան:)

2  Ավարտիր նախադասությունը:
 Գիրքը իմ լավ ընկերն է, որովհետև _____:

3  Վերականգնիր քանդված առածը:

էլ

հարցրու:

գիտուն

անգետից

չիմացած

ինչքան

լինես,

մի

4



Գիրք բառով կազմիր բարդ կամ ածանցավոր բառեր:

Օրինակ՝ գրքասեր, գրքային: _____

5



Ինչ իր է նա՝ համր ու մունջ,
Ծառայում է անշշունջ,
Խոսեցնում է, խոսք ասում,
Բայց մեզ երբեք չի լսում:



6



ԲԱՌ-ՔԱՄՈՑԻ

Հարստություն բառի տառերով կազմե՞ք նոր բառեր:

Այս բառից ստացվում են նաև դարձգրեր:

Օրինակ՝ թաս-սաթ

Գտե՛ք ևս երկու դարձգիր:

7



Վերընթերցիր «Մուտքի պատուհանիկի»
գրառումը և գրիր, թե ինչ հանճարներ են
ապրում ձեր տանը:

8



Լուծիր նկարելուկները: Ստացված
բարդ բառերը գործածիր նախա-
դասությունների մեջ և գրիր:

դաս +



=



+



=

խնդիր +



=



+



=



Պարզիր և գրիր, թե ինչ գրքեր են կարդացել ծնողներդ:

Հարց	Պատասխան	
	Հայրիկ	Մայրիկ
Ո՞րն է եղել քո տարիքում նրանց կարդացած ամենասիրելի գիրքը:		
Ո՞րն է եղել նրանց վերջին կարդացած գիրքը:		
Որտեղի՞ց էին նրանք ձեռք բերում գրքերը կարդալու համար:		
Ի՞նչ գիրք խորհուրդ տվեցին քեզ հիմա կարդալու համար:		

**ԴԱՍԻՑ ՔԱՂԱՏ
ԻՄ ՊՏՈՒՂՆԵՐԸ**



Քո կարդացած գիրքը դառնում է քո լավ ընկերը:

Այս դասին դու՝

- Կտարբերակես նախադասությունները՝ ըստ հնչեքանգների:

- Կհասկանաս, թե ինչու ճայր մնաց սևադեմ:




- Կպարզես, որ թռչուններն էլ կարող են խորհուրդներ տալ:

- Կկարևորես քո յուրահատուկ լինելը:

ՃԱՅՐ ԵՎ ՍԱԳՐ

Մխիթար Գոշ



Կարդա՛ և կիմանաս, թե ինչու սև թռչունը մնաց սև, սպիտակը՝ սպիտակ:



Ճայր* Սագին աղաչում էր և ասում.

– Ես սև եմ, և բոլորն ինձ արհամարհում* են: Խնդրում եմ ինձ սովորեցնես, որ քեզ պես սպիտակեմ:

– Շատ լավ,– ասաց Սագը:– Ինձ պես միշտ լվացվիր ջրով:

Ճայր լսեց Սագի խորհուրդը: Բայց լվացվելիս ընկնում էր նրա սև փետուրը և դարձյալ նույն գույնի մեկ ուրիշ փետուր էր գալիս:

Ճայր կրկին գնաց Սագի մոտ ու աղաչեց: Սագն ասաց նրան.

– Լվացվելու հետ մեկ-



տեղ պետք է իմ լեզուն էլ սովորես, որ կարողանաս ինձ նման լինել:

Բայց ճայը չցանկացավ մոռանալ իր լեզուն և մնաց նույն սևադեմը*:



**ԱՉՔԻ
ԱՌԱՋ**

*արհամարհել
խորհուրդ
դարձյալ
սևադեմ*

Հարցեր

1. Ինչն էր անհանգստացնում ճային:
2. Ինչ խորհուրդ տվեց Սագը:
3. Ինչ պատահեց ճային:
4. Ինչո՞ւ ճայը չցանկացավ մոռանալ իր լեզուն:
5. Քո կարծիքով՝ ի՞նչ կլինի, եթե բոլորն աշխարհում իրար նման լինեն:



Առաջադրանքներ



Կեռնեխ



Ագռավ

-  Ո՞ր խորհուրդն ընդունեց և կատարեց ճայը:
-  Ո՞ր խորհուրդը չցանկացավ կատարել ճայը:
Քո կարծիքով՝ ինչո՞ւ:
-  Ի՞նչ խորհուրդ կտաս սևադեմ թռչուններին:



Ճայ



Օգտվելով տեքստից՝ ավարտի՛ր նախադասությունները:

Ես սև եմ, և բոլորն ինձ _____:

Լվացվելու հետ մեկտեղ պետք է իմ լեզուն էլ _____:

Բայց ճայը չցանկացավ _____:

3



Արտագրի՛ր նախադասությունները՝ փակագծե-
րում գրված բառերը դարձնելով բարդ բառեր:

(Սև, դեմք) ագռավը մի ընկույզ գտավ:

Ճայր հանդիպեց (սպիտակ, փետուր) Սագին:

(Կարմիր, կտուց) Սագը խորհրդատու էր աշխատում:

4



Նախադասություններն էլ են իրարից տարբեր
լինում: Կարդա՛ տեքստը:

Երեխաները դասարանական
միջոցառումից հետո հավաք-
վել էին դպրոցի բակում և
աշխուժորեն զրուցում էին:

Նրանցից մեկն ասաց.

– Ինչո՞ւ էինք բոլորս այդքան
հուզվել:

– Որովհետև շատ պատասխանատու պահ էր:

– Ի՞նչ լավ է, որ մեր ելույթն այդքան հաջող ստացվեց:

– Որովհետև յուրաքանչյուրս կարողանում է տարբեր բա-
ներ անել:

– Եկե՛ք հաջորդ անգամ էլ այսպես միասնական ու համե-
րաշխ լինենք:



Այս տեքստի առաջին նախադասությունը դու կարդացիր
պատմելու ձևով՝ հանդարտ և նույն տոնով: Դա **պատմողա-
կան** նախադասությունն է:

Երկրորդ նախադասությունը հարցում է արտահայտում,
նրա մեջ կա հարց: Այդպիսի նախադասությունները **հարցա-
կան** նախադասություններ են:

Չորրորդ նախադասությունը **հիացմունք** է արտահայ-

տում: **Հիացմունք, ցանկություն, ափսոսանք, զարմանք, վախ** արտահայտող նախադասությունները **բացականչական** նախադասություններ են:

Վերջին նախադասության մեջ կա **հրաման, կարգադրություն, խնդրանք**: Այդպիսի նախադասությունները **հրամայական** նախադասություններ են:

5



Վաղ, երեխաներ, գնալ, առավոտ, դպրոց բառերով կազմիր մեկ պատմողական նախադասություն և գրիր:

6



Առակը պատմիր սագի կամ ճայի անունից:

Օրինակ:

Ես ճերմակ սագն եմ: Իմ ծնողներն էլ են ճերմակափետուր եղել, իմ ապուպապերն էլ: Իմ ձագուկներն էլ են ճերմակափետուր:



Մի անգամ ձագուկներիս հետ լող էինք տալիս լճակում, հանկարծ անտառից մեզ մոտ թռավ-եկավ մի սևափետուր, սևադեմ ճայ ու խնդրեց, որ իրեն սովորեցնեմ ճերմակ լինելու գաղտնիքը:

Մտածեցի, թե ճայի ինչին է պետք սպիտակադեմ դառնալը: Բայց ինչ գիտեի սպիտակադեմ դառնալու մասին, ասացի ճային:

Ճայը մի երկու բան արեց. ուզեց սև փետուրները փոխել, դարձնել սպիտակ, լող տալ սովորել իր պստիկ ճանկերով, բայց մնաց նույն սևադեմը:

Այդ ժամանակ նրան խորհուրդ



տվեցի, որ նա փոխի իր լեզուն, այսինքն՝ էլ ոչ թե ճայ մնա, այլ դառնա ինձ նման սագ: Սակայն ճայը չուզեց փոխել իր լեզուն, ուզեց մնալ ճայ: Եվ ճիշտ էլ արեց: Ես, թեև սագ եմ, բայց կարծում եմ, որ ամեն մի արարած պիտի նման լինի իր ապուլապերին, որ իր ձագուկներն էլ իրեն նման լինեն: Թե չէ շատ տխուր կլիներ, եթե աշխարհում միայն սագեր լինեին կամ էլ միայն ճայեր:



ԴԱՍԻՑ ՔԱՂԱԾ ԻՄ ՊՏՈՒՂՆԵՐԸ

ՀԱՅՐԵՆԻՔԸ ՆԱԽ ԵՎ ԱՌԱՋ ԼԵԶՈՒՆ Է

Ես կարողացա

Ես կարևորեցի

Ես մտածեցի, որ...



Մեզ բնութագրող կարևոր բաներ կան, որոնք պետք է գնահատենք ու պահպանենք:

Ավելի դյուրին ապրելու համար
Մի՛ զոհաբերիր էությունը քո,
Պայքարի՛ր սիրով և եղի՛ր համառ,
Ուրիշի հանդեպ եղի՛ր համբերող:

Այս դասին դու՝

- Կկազմես հարցական նախադասություններ:

- Կանցնես լեռնային գետակի անցած ճանապարհով:



- Կգարմանաս նրա կատարած գործերով:

- Կպատմես քո կատարած օգտակար գործերի մասին:



ԳԵՏԸ

Համո Սահյան




Կարդա՛ և կիմանաս, թե ինչպես է փոքրիկ գետակը մեծ նավեր պահում իր կրծքի վրա:



Գետը լեռներից շառաչով* գալիս
Եվ անց է կենում դաշտերի միջով,
Կանչում-կարկաչում*, հորձանք* է տալիս,
Ափերն է զուգում զմրուխտ* կանաչով:

Պաղ ջուր է տալիս մարդուն ու բույսին
Եվ կաթիլն անգամ զուր չի կորցնում,
Կյանքի է կոչում կայաններ լույսի
Եվ ինքն իր ճամփին լույս տալով գնում...

Այսպես վաստակած նա ծով է մտնում,
Եվ ծովն է վերջին կայանը* նրա,
Բայց ծովի մեջ էլ հանգիստ չի գտնում,
Նավեր է պահում իր կրծքի վրա:



Դու էլ գետի պես անցիր քո ճամփան,
Եվ նման եղիր գետի հորձանքին,
Որ կյանքիդ վերջին կայանում անգամ
Ինչ-որ մի բանով պետք լինես կյանքին:

Հարցեր

1. Ինչ ճանապարհ է անցնում լեռնային գետը:
2. Ինչ օգտակար գործեր է անում գետը:
3. Ինչո՞ւ ծովի մեջ գետը հանգիստ չի մնում:
4. Ինչ խորհուրդ է տալիս հեղինակը: Կարդա՛ համապատասխան քառատողը:

Առաջադրանքներ

- 1  Գետ բառով կազմիր բարդ և ածանցավոր բառեր:

- 2  Ինչ մայր է, որ իր ծագերի կաթով է սնվում:



- 3  Փոխակերպում

Գետից ստացիր ծով:

Գետ – տ – կե – կ ր – կո – ծով:

- 4  Օգտվելով բանաստեղծությունից՝ գրիր 3 պատմողական նախադասություն գետի կատարած գործերի մասին:

5



Գրիր քո կատարած օգտակար գործերի մասին:



ԱՂՔԻ
ԱՌԱՋ

կուժի
կուգել

6



• Կարդա՛ տեքստը:

ՇԱՔԱՐԱԶՈՒՐ ԳԵՏԱԿԸ (ավանդություն)

Մի հովիվ ունենում է Շուշան անունով մի աղջիկ, որի նմանը չկար աշխարհում: Նա որ ծիծաղում էր, սարերում շուշաններ էին բացվում, որ լաց էր լինում, արտասուքներն աղբյուրներ էին դառնում: Ասում են, թե այս գետակը Շուշանի արտասուքներից է գոյացել: Ջրի քաղցրահամ լինելու պատճառով գետակը կոչվել է Շաքարաջուր:



- Գրիր, թե քանի պատմողական նախադասություն կա:
- Տեքստի վերաբերյալ առաջադրիր երեք հարց:

Օրինակ: Ի՞նչ էր հովվի աղջկա անունը:

Դու կազմեցիր երեք հարցական նախադասություն:

ԴԱՍԻՑ ՔԱՂԱԾ ԻՄ ՊՏՈՒՂՆԵՐԸ



Աշխարհում ամեն մեկն իր գործն է անում: Դու էլ քո՝ գործն արա:

Այս դասին դու՝

- Կամրապնդես բացականչական և հարցական նախադասությունների մասին գիտելիքներդ:

- Կծանոթանաս մի տղայի հետ, որն իր սեփական մոլորակն ունի:



- Կզարմանաս, որ, թեև տղայի մոլորակում օձ ու աղվես չկային, բայց նա վարժ խոսում էր նրանց լեզվով:

- Կհասկանաս, որ դու պատասխանատու ես քո մոլորակի՝ Երկրի համար:

ՓՈՔՐԻԿ ԻՇԽԱՆԸ

Անտրուան դը Սենտ-Էքզյուպերի



Մարդիկ երազում են երկինք բարձրանալ և արդեն բարձրանում են: Բայց, պարզվում է, որ երկնքում էլ երազողներ կան, որ ուզում են Երկիր իջնել:



Երկրագնդի վրա ընկնելով՝ Փոքրիկ Իշխանը ոչ մի մարդ չտեսավ, և դանդաղ շատ զարմացրեց: Նա նույնիսկ մտածեց, թե սխալմամբ թռել է մի ուրիշ մոլորակ*։ Բայց հենց այդ ժամանակ ավազի վրա լուսնի ճառագայթի գույնի մի օղակ շարժվեց:

- Բարի՛ երեկո,– համենայն դեպս ասաց Փոքրիկ Իշխանը:
- Բարի՛ երեկո,– ասաց Օձը:
- Այս ի՞նչ մոլորակ եմ ընկել:
- Երկիրն է,– ասաց Օձը:
- Ա՛յ թե ինչ: Իսկ ի՞նչ է, Երկրի վրա մարդիկ չկա՞ն:



– Սա անապատ* է: Անապատ-
ներում ոչ ոք չի ապրում:

– Իսկ որտե՞ղ են մարդիկ,–
հարցրեց Փոքրիկ Իշխանը:–
Անապատում, այնուամենայնիվ,
մարդ մենակ է զգում իրեն:

Այնուհետև Փոքրիկ Իշխանը
կտրեց-անցավ ամբողջ անա-
պատը, բայց ոչ ոքի չհանդիպեց:
Ամբողջ ճանապարհին նա միայն
մի Ծաղիկ տեսավ՝ մի եռաթերթ,
շատ փոքրիկ Ծաղիկ...

– Բարև,– ասաց նրան Փոքրիկ
Իշխանը:

– Բարև,– պատասխանեց Ծա-
ղիկը:

– Որտե՞ղ են մարդիկ,– քաղա-
քավարի հարցրեց Փոքրիկ Իշխանը:

Ծաղիկը մի անգամ քարավան էր տեսել, որն անցել էր իր
մոտով:

– Մարդի՞կ... Ախ, այո... Նրանք, կարծեմ, ընդամենը վեց
կամ յոթ հոգի են: Ես նրանց տեսել եմ շատ տարիներ առաջ:
Բայց թե որտե՞ղ կարելի է նրանց հիմա գտնել, հայտնի չէ:
Քամին նրանց քշում-տանում է: Նրանք արմատներ չունեն,
և դա շատ մեծ անհարմարություն է:

– Մնաս բարո՛վ,– ասաց Փոքրիկ Իշխանը:

– Գնաս բարո՛վ,– ասաց Ծաղիկը:

Հենց այստեղ էլ հայտնվեց Աղվեսը:

– Բարև,– ասաց նա:

– Բարև,– քաղաքավարի պատասխանեց Փոքրիկ Իշխանը, բայց ոչ ոքի չտեսավ:

– Ես այստեղ եմ,– նորից լսվեց ձայնը:

– Դու ո՞վ ես,– հարցրեց Փոքրիկ Իշխանը:– Ինչքան սիրուն ես:

– Ես Աղվեսն եմ:

– Մի քիչ խաղա՛ ինձ հետ,– խնդրեց Փոքրիկ Իշխանը,– ես շատ տխուր եմ:

• Ի՞նչը զարմացրեց Փոքրիկ Իշխանին:

• Ի՞նչ տեսավ նա անապատում:

• Քո կարծիքով՝ Փոքրիկ Իշխանը կխաղա՞ Աղվեսի հետ:

– Ես քեզ հետ խաղալ չեմ կարող,– պատասխանեց Աղվեսը,– ես ընտելացած* չեմ:

– Ա՛խ, ների՛ր,– ասաց Փոքրիկ Իշխանը:

Հետո, մի փոքր մտածելով, հարցրեց.

– Իսկ ինչպե՞ս են ընտելացնում:

– Դու տեղացի չես երևում,– նկատեց Աղվեսը:– Ի՞նչ ես փնտրում այստեղ:

– Մարդկանց եմ փնտրում,– պատասխանեց Փոքրիկ Իշխանը:– Իսկ ինչպե՞ս են ընտելացնում:

– Մարդիկ հրացան ունեն և որսի են դուրս գալիս: Դա շատ անհարմար բան է: Հետո՝ նրանք հավ են պահում: Նրանց լավն էլ միայն դա է: Դու հա՞վ ես փնտրում:



– Ո՛չ,– ասաց Փոքրիկ Իշխանը:– Ես բարեկամ եմ փնտրում: Իսկ ինչպե՞ս են ընտելացնում:

– Տե՛ս: Դու ինձ համար առայժմ միայն մի փոքրիկ տղա ես, այնպես, ինչպես մյուս հարյուրհազարավոր տղաները: Եվ դու ինձ պետք չես: Ես էլ քեզ պետք չեմ: Ես քեզ համար ընդամենը մի սովորական աղվես եմ, այնպես, ինչպես մյուս հարյուրհազարավոր աղվեսները: Բայց եթե դու ինձ ընտելացնես, ապա ինձ համար ամբողջ աշխարհում միակը կդառնաս, ես էլ քեզ համար ամբողջ աշխարհում կդառնամ միակը...

– Սկսում եմ հասկանալ,– ասաց Փոքրիկ Իշխանը:– Իմ մոլորակի վրա մի վարդկար, որը, երևի, ինձ ընտելացրել էր...

Աղվեսը շատ զարմացավ.

– Քո մոլորակի վրա՞...

– Այո՛:

– Իսկ քո մոլորակի վրա որսորդներ կա՞ն:

– Ո՛չ:

– Ի՞նչ հետաքրքիր է: Իսկ հավ կա՞:

– Ո՛չ:

– Աշխարհում կատարյալ* ոչինչ չի լինում,– հառաչեց աղվեսը: Եվ նրանք բաժանվեցին...



Հարցեր

1. Փոքրիկ Իշխանն ինչո՞ւ չխաղաց աղվեսի հետ:
2. Ի՞նչը զարմացրեց Աղվեսին:
3. Քո կարծիքով՝ ինչո՞ւ հառաչեց Աղվեսը, երբ բաժանվում էր Փոքրիկ Իշխանից:



Առաջադրանքներ



1 Ամեն էակ իր աչքերով է նայում աշխարհին: Հիշիր «Մայրենի 3» դասագրքից «Հեքիաթային դպրոցը» հեքիաթը:

Օգտվելով «Փոքրիկ Իշխանը» տեքստից՝ լրացրու անավարտ նախադասությունները:

Օձի աչքերով՝ անապատներում _____:

Ծաղկի աչքերով՝ մարդիկ ընդամենը _____:

Քամին մարդկանց քշում-տանում է, որովհետև _____:

Աղվեսի աչքերով՝ մարդիկ հավ են պահում, և _____:



2 Լրացրո՛ւ անավարտ նախադասությունները:

Աղվեսը ուրախ էր, որովհետև _____:

Աղվեսը տխուր էր, որովհետև _____:



3 Գրի՛ր, թե պատմության հերոսների հետ դու.

ո՞ր դեպքում ուրախացար _____,

ո՞ր դեպքում տխրեցիր _____:



4 Մեկը մեծացրո՛ւ հարյուր հազար անգամ: Տեքստում գտի՛ր այդ բառով բառակապակցություններ և գրի՛ր:



5 Տեքստից արտագրի՛ր երկուական բացականչական և հարցական նախադասություն:

6



Դերային ընթերցանությամբ ներկայացրե՞ք Փոքրիկ Իշխանի հանդիպումներն Օձի, Ծաղկի և Աղվեսի հետ:

7



Եթե դու լինեիր Երկիր մոլորակի Փոքրիկ Իշխանը.

ի՞նչը կցանկանայիր պահպանել _____,

ի՞նչը կցանկանայիր փոփոխել _____,

ինչի՞ վրա կցանկանայիր, որ ուշադրություն դարձնեին մեծահասակները _____:

8



Ենթադրենք՝ Փոքրիկ Իշխանը հանդիպել է քեզ: Դու Երկիրն ինչպե՞ս կներկայացնես նրան:

9



Նախադասությունները դարձրո՛ւ բացականչական՝ համապատասխան բառի վրա դնելով բացականչական նշան:

– Սիրելի փոքրիկ, տուն արի:

– Անհոգ մնա, գալիս եմ:

– Ինչքան շատ ծաղիկներ կան պարտեզում:

ԴԱՍԻՑ ՔԱՂԱԾ ԻՄ ՊՏՈՒՂՆԵՐԸ

Ես կարողացա _____

Ես զարմացա _____

Ինձ հետաքրքրեց _____



Մեծ երջանկություն է Երկիր մոլորակում ապրելը: Սիրենք, ու պատասխանատու լինենք նրա համար:



Այս դասին դու՝

• Կվերհիշես թեմատիկ շարքի հերոսներին:

• Կամրապնդես քո սովորած բառերի գրությունը:

• Քեզ ծանոթ հերոսների հետ կհայտնվես Փոքրիկ Իշխանի մոլորակում:



• Կտարբերակես նախադասությունները՝ ըստ հնչեցման:


• Ընկերներիդ հետ կստեղծես ձեր «Դասարանի դիմանկարը»:

1



Լրացրո՛ւ աղյուսակը:

Նախադասություններ	Ստեղծագործության անվանումը	Հերոսը
Ես սև եմ, և բոլորն ինձ արհամարհում են:		
Ինչպե՞ս եք կարողանում գորգի տակ մտնել:		
Որովհետև մենք երևակայական կենդանիներ ենք:	Գորգի տակ	Վագրը և Ձին
Մի քիչ խաղա՛ ինձ հետ, ես շատ տխուր եմ:		
Նրանք արմատներ չունեն, և դա շատ մեծ անհարմարություն է:		
Բայց եթե դու ինձ ընտելացնես, ապա ինձ համար ամբողջ աշխարհում միակը կդառնաս:		
Աշխարհում կատարյալ ոչինչ չի լինում:		
Կյանքի է կոչում կայաններ լույսի և ինքն իր ճամփին լույս տալով գնում:		



2



Լրացրո՛ւ աղյուսակը՝ տարբերակելով նախադասություններն՝ ըստ հնչերանգի.

– Հայրիկ, կասե՞ս, թե հայերի
Ո՛ր անունն է ամենից լավ:
Հայրիկն ասաց.– Լսի՛ր, որդի՛ս,
Մենք վատ անուն չունենք բնավ:
Ի՛նչ չքնաղ են մեր Տիգրանը,
Սոսը, Գեղամն ու Միհրանը:



Հարցական նախադասություն	Հրամայական նախադասություն	Բացականչական նախադասություն

3



• Բառաղյուսակում բառերը կարդացվում են ձախից աջ և վերևից ներքև: Գտի՛ր և դո՛ւրս գրի՛ր «Աչքի առաջ» խորագրի քո սովորած բառերը:

թ	բ	ր	դ	ու	ճ	ֆ	ս	ճ	կ	ու	ր	ծ	ք
բ	ա	բ	ա	շ	ու	ռ	և	տ	վ	ց	ա	ֆ	գ
ի	ծ	ե	ր	և	ա	կ	ա	յ	ա	կ	ա	ն	ջ
բ	ա	ր	ձ	ու	ն	ք	դ	ֆ	խ	ջ	ք	ր	ա
ր	ն	ֆ	յ	դ	դ	ա	ե	ֆ	ո	ա	բ	գ	դ
ա	ձ	փ	ա	ր	հ	ա	մ	ա	ր	հ	ե	լ	փ
ու	ր	ս	լ	ն	ա	հ	ֆ	ի	հ	տ	ե	լ	ո
ի	և	ա	ր	և	հ	ա	մ	բ	ու	ր	ե	լ	մ
ֆ	ո	բ	ա	ր	ձ	օ	չ	ա	ր	ա	ճ	ճ	ի
կ	ց	լ	գ	գ	գ	ե	խ	ն	դ	տ	ո	ք	ֆ

• «Աչքի առաջ» խորագրի դ՛ր բառը չկար աղյուսակում:
Այդ բառով կազմի՛ր նախադասություն:

4



Փոքրիկ Իշխանն իր մոլորակում հյուրընկալել էր «Ով ենք մենք» թեմատիկ խմբի հերոսներին:



- Առաջինը ի՞նչ ցույց կտա իր մոլորակից Փոքրիկ Իշխանը:
- Ի՞նչ կհյուրասիրի հյուրերին:
- Ի՞նչ հարցեր կտան հերոսները Փոքրիկ Իշխանին:
- Փոքրիկ Իշխանին ի՞նչ կհետաքրքրի հերոսների աշխարհից:
- Ո՞ր հերոսները կցանկանան մնալ Փոքրիկ Իշխանի մոլորակում:

5



Այս տեքստում կա յոթ հարցական նախադասություն: Արտագրի՛ր դրանք՝ դնելով ութ հարցական նշան:

Մեծահասակները թվեր շատ են սիրում: Երբ նրանց պատմում ես, որ դու նոր բարեկամ ես ձեռք բերել, նրանք

երբեք չեն հարցնում ամենագլխավորի մասին: Նրանք երբեք չեն ասի. «Իսկ ինչպիսի ձայն ունի նա: Ինչ խաղեր է սիրում խաղալ: Թիթեռներ բռնում է, թե ոչ»:

Նրանք հարցնում են. «Քանի տարեկան է նա: Քանի եղբայր ունի: Քաշն ինչքան է: Ինչքան է վաստակում նրա հայրը»: Եվ դրանից հետո երևակայում են, թե ճանաչեցին մարդուն:

Անտուան դը Սենտ-Էքզյուպերի

6



Ընկերներիդ ավելի լավ ճանաչելու համար ստեղծե՛ք ձեր խմբի «Դիմանկարը»:

Աշխատանքի քայլաշարը:

ա. Նշված տեղերում գրի՛ր.

1. Քո անունը:


2. Քեզ հատուկ բնավորության մեկ գիծ:

3. Մեկ նախասիրություն:

բ. Ներկայացրո՛ւ քեզ և լսի՛ր խմբիդ մյուս անդամներին:


գ. Ձեր խմբի համար միասին գտե՛ք մեկ ընդհանրություն և գրե՛ք թղթի կենտրոնական հատվածում:

դ. Բոլոր խմբերի աշխատանքները փակցրե՛ք դասասենյակի երևացող տեղում:



Կեցցե՛ք, դուք ստեղծեցի՛ք ձեր դասարանի «Դիմանկարը»:

ԻՆՉՊԵՍ ԵՆՔ ՄԵՆՔ ԻՆՔՆԱՐՏԱՀԱՅՏՎՈՒՄ



Այս դասին դու՝

- Կզարգացնես նախադասությունները կետադրելու քո կարողությունը:

- Կհասկանաս, որ յուրաքանչյուր մասնագիտություն



կարևոր է և հարգանքի արժանի:

- Կպարզես, որ թագավորական հարստությունից ավելի կարևոր բաներ էլ կան:

ԱՆԱՀԻՏ

Ղազարոս Աղայան



Պատկերացնո՞ւմ եք՝ հասարակ նախրապանի աղջիկը պայման է դնում թագավորի տղայի առաջ:



Թագավորն ու թագուհին տեսան, որ չեն կարողանում Վաչագանի միտքը փոխել, կանչեցին նրա մոտ ընկերոջը՝ Վաղինակին, հայտնեցին իրենց հոժարությունը* և, նրա հետ երկու իշխան դնելով, մեծամեծ ընծաներով* ուղարկեցին Հացիկ՝ հարսնախոսության:

Երբ հասան նախրապան Առանի տունը, Առանը նրանց սիրով ընդունեց և շնորհավորեց նրանց գալը:

– Այս ի՞նչ հրաշալի գորգ է, – ասաց Վաղինակը, – տանտիկինդ կլինի գործած, անշուշտ:

– Այդ գորգը մեր Անահիտի գործածն է:



– Մեր թագավորի պալատում էլ չկա մի այսպիսի զարդ,– ասաց իշխաններից մեկը: Հետո, դառնալով Առանին, ավելացրեց,– շատ ուրախ եմք, որ քո աղջիկն այսքան շնորհալի* է: Քո Անահիտի համբավը* մինչև թագավորի ականջն է հասել: Եվ ահա՛, մեզ ուղարկել է քեզ մոտ խնամախոսության: Թագավորը կամենում է, որ քո Անահիտին տաս իր մինուճար* որդուն՝ թագաժառանգ Վաչագանին:



Իշխանն այս առաջարկությունն անելով՝ սպասում էր, որ Առանը կամ չի հավատա, կամ թե, սաստիկ ուրախանալուց, վեր կթռչի տեղից: Բայց Առանը ո՛չ այս արավ և ո՛չ այն:

– Իմ պատվավոր* հյուրեր,– ասաց Առանը,– ես շատ շնորհակալ եմ, բայց ճշմարիտ եմ ասում ձեզ, իմ ձեռին չի տալն ու չտալը: Ահա կգա ինքը, իրեն կհարցնեք. եթե հոժարի, ես ոչինչ չունեմ ասելու:

Հենց այս խոսակցության ժամանակ եկավ Անահիտը:

– Անահի՛տ, ինչո՞ւ ես մենակ գործում,– հարցրեց Վաղինակը,– ես լսել եմ, որ դու աղջիկ աշակերտներ շատ ունես:

– Այո՛, ունեմ մի քսան հոգի,– պատասխանեց Անահիտը:

– Լսել եմ, որ դու քո աշակերտներին կարդալ էլ ես սովորեցնում:

– Այո՛, սովորեցնում եմ: Հիմա մեզանում ամեն մարդ պետք է կարդալ գիտենա:

– Անահի՛տ, ե՛կ այստեղ, քեզ բան ունենք ասելու: Տե՛ս, թե քեզ համար ինչե՛ր է ուղարկել մեր թագավորը:



Վաղինակն այս ասելով՝ բացեց մի կապոց և նրա միջից հանեց ոսկի զարդարանքներ և մետաքսե հագուստներ:

Անահիտն այդ բաները տեսնելով՝ ամենևին չհափշտակվեց և չտեսի նման չզարմացավ, այլ համեստորեն հարցրեց.

– Կարելի՞ է արդյոք իմանալ, թե այդ պատիվն ինչո՞ւ է արել ինձ թագավորը:

– Մեր թագավորի որդին՝ Վաչագանը, քեզ տեսել է աղբյուրի մոտ: Դու նրան ջուր ես տվել, և նա քեզ շատ հավանել է: Հիմա թագավորը մեզ ուղարկել է, որ քեզ նշանենք իր որդու հետ:

– Ուրեմն իմ տեսած որսորդը թագավորի որդին է եղել:

– Այո՛:

– Նա շատ լավ երիտասարդ էր: Բայց արդյոք գիտե՞ մի որևէ արհեստ:

– Նա թագավորի որդի է, Անահիտ, նրան ի՞նչ արհեստ է հարկավոր, ողջ աշխարհի տերը նա է, ամենքն էլ նրա ծառաներն են:

– Գիտեմ, որ այդպես է, բայց ո՞վ գիտե, աշխարհ է, այսօրվա ծառաների տերը վաղը կարող է ինքը լինել ծառա: Արհեստը մի այնպիսի բան է, որ ամենայն մարդ պիտի գիտենա, թե՛ ծառա լինի, թե՛ տեր, թե՛ թագավոր և թե՛ իշխան:


Այսպես որ ասաց Անահիտը, իշխանները մնացին իրար երեսի մտիկ տալով: Նայեցին Առանին, տեսան, որ նա շատ հավան է աղջկա ասածին: Հետո դարձան Անահիտին ու կրկին հարցրին.

– Ուրեմն դու թագավորի որդուն չպիտի ուզես միայն նրա համար, որ նա արիեստ չգիտնի:

– Այո՛, և այս ամենը, ինչ որ բերել էք, հետ կտանեք ու կասեք, որ ես իրեն շատ հավանում եմ, միայն թող ների ինձ: Ես ուխտ եմ արել* արիեստ չգիտցող մարդու չգնալ: Եթե կամենում է, որ ես իր կինը լինեմ, թող նախ և առաջ մի արիեստ սովորի:

Իշխանները վեր կացան գնացին և ինչ որ տեսել, լսել էին, մի առ մի պատմեցին թագավորին: Թագավորն ու թագուհին շատ ուրախացան՝ կարծելով, թե Վաչագանը չի ընդունի նրա առաջարկությունը:

Իսկ Վաչագանը...



Ինչի՞ մասին են
գրուցում Վաչագանն ու
Վաղինակը:

Հարցեր

1. Ի՞նչ նպատակով էին պալատականները գնում նախրապանի տուն:
2. Առանձն ինչպե՞ս դիմավորեց պալատականներին:
3. Ի՞նչ սիրելի աշխատանք էր անում Անահիտը:
4. Ինչպե՞ս հիմնավորեց իր պայմանը Անահիտը:
5. Ի՞նչ կարծիք ունես Անահիտի պայմանի մասին:
6. Ինչպե՞ս թագավորն ու թագուհին ընդունեցին Անահիտի ասածը:



ԱԶԳԻ
ԱՌԱՋ

շնորհալի
համբավ

7. Քո կարծիքով՝ ինչպե՞ս կվարվի Վա-
չագանը:



Առաջադրանքներ

1



Օգտվելով տեքստից՝
կետադրիր տրված նա-
խադասությունները:

- Անահիտ, եկ այստեղ, քեզ բան ունենք ասելու:
- Կարելի է արդյոք իմանալ, թե այդ պատիվն ինչու է արել ինձ թագավորը:
- Անահիտ, նրան ինչ արհեստ է հարկավոր, ողջ աշխարհի տերը նա է, ամենքն էլ նրա ծառաներն են:

2



«Այս ի՞նչ հրաշալի գորգ է» նախադասությունը դարձ-
րո՛ւ բացականչական նախադասություն և գրիր:

3



ԲԱՌՔԱՄՈՑԻ


Արհեստավոր բառով խաղա՛ «Բառ-
քամոցի» խաղը: Քո կազմած բառերը համեմատիր ընկերոջդ
կազմած բառերի հետ:

4



ԸՆՏԱՆԵԿԱՆ ԽԱՉԲԱՌ

Օգտվելով մեղվապահ, նկարիչ, հյուսն, դարբին,
կիթառահար, տիեզերագնաց, խաղողագործ, խոհարար,
բժիշկ, ճարտարապետ, հացթուխ, վոլեյբոլիստ, ուսուցիչ
բառերից և նկարներից՝ լրացրո՛ւ խաչբառը: Ընդգծված
սյունակում կկարդաս, թե ինչն է միավորում բոլոր պատկեր-
վածներին:



Դի՛մք ինչ մասնագիտություն ես նախընտրում, ի՞նչ գիտես այդ մասնագիտության մասին:

5



Բառարանից օգտվելով՝ գրի՛ր տրված բառերի հոմանիշները:

- ընծա –
- սաստիկ –
- ուխտ –

6



Հարցերի պատասխաններն այնպես գրիր
իրար տակ, որ վերևից ներքև կարդացվի

մասնագիտություն բառը:

1. Պալատականներն ինչպիսի՞ ընծաներով եկան Հացիկ:
2. Ո՞վ էր Անահիտի հայրը:
3. Ի՞նչ նպատակով էին եկել իշխանները:
4. Ո՞վ էր Վաչագանի մոտ ընկերը:
5. Քանի՞ աշակերտ ուներ Անահիտը:
6. Ի՞նչ էր գործում Անահիտը:
7. Վաչագանը թագավորի _____ է:
8. Ամեն մեկը պիտի _____ իմանա:
9. Ես _____ եմ արել արհեստ չգիտցող մարդու չգնալ:
10. _____ շատ ուրախացավ:
11. Վաչագանը չի ընդունի նրա _____:
12. Վաչագանը քեզ տեսել է _____ մոտ:
13. Ի՞նչ մասնագիտություն ուներ Առանը:



7



- Օգտվելով տեքստից՝ լրացրո՛ւ բաց թողած բառերը:
Այսօրվա ծառաների _____ վաղը կարող է ինքը լինել _____:
- ✧ Հեքիաթից առանձնացրո՛ւ և գրի՛ր այն նախադասու-
թյունը, որն արտահայտում է հեքիաթի հիմնական
միտքը:
- ☀ Արտագրի՛ր այն առաձևերը և ասացվածքները, որոնք,
քո կարծիքով, ավելի դիպուկ են արտահայտում հե-
քիաթի հիմնական միտքը:
 - Ով ալարի, ո՛չ դալարի:

- Ուրիշի ձեռքին նայողը սոված կմնա:
- Արհեստը կաթ-կաթ աղբյուր է, եթե չվարարի, չի էլ պակասի:
- Կրթությունը ազատության ոսկե դուռն է:
- Արհեստը ոսկի մատանի է, ուր որ գնաս, հետոյ կգա:

8



Պատմիր տեքստը.

- Անահիտի անունից
- Առանի անունից
- Պալատականների անունից

Օրինակ:

Ես նախրապան Առանն եմ: Ապրում եմ գյուղում: Գյուղի նախիրն եմ արածեցնում: Սա էլ հեշտ գործ չէ: Պիտի իմանաս, թե որտեղ ավելի լավ արոտ կա: Կովերին երբ որտեղ տանես, որ կուշտ արածեն, ժամանակին պիտի տանես ջրի մոտ, որ ջուր խմեն, պիտի պաշտպանես գազաններից, թույլ չտաս, որ որևէ մեկը մոլորվի, գայլի բաժին դառնա: Էհ, շատ են գործերը: Մի խոսքով՝ պիտի հասկանաս նախրի լեզուն:

Մի օր տուն եկա, ու աղջիկս՝ իմ գեղեցկուհի Անահիտը, ասաց, որ աղբյուրի մոտ մի համակրելի տղայի է հանդիպել, ջուր է սովել խմելու:



Անահիտը շատ բարի, խելացի աղջիկ է, գորգեր է գործում, աշակերտներ ունի: Գյուղում բոլորը սիրում են նրան:

Անահիտի պատմածից մի քանի օր հետո արմանք-զարմանք մի բան պատահեց: Թագավորի մոտից խնամախոսներ եկան՝ թանկագին նվերներով, որ Անահիտին նշանեն աղբյուրի մոտի երիտասարդի հետ: Պարզվում է, որ նա արքայազն Վաչագանն է եղել: Ինձ դիմեցին: Ես ասացի՝ խոսքը Անահիտինն է: Անահիտս էլ, իմանալով, որ Վաչագանը ոչ մի արհեստ չգիտի, մերժեց: Անահիտս իմաստուն սիրտ ունի:

9



Տեքստի բառերից մեկով խաղացել են «Բառքամոցի» խաղը և կազմել **իր, դատ, արար, սեր** բառերը: Գտիր, թե որ բառն է դա և կազմիր ևս չորս բառ:

ԴԱՍԻՑ ՔԱՂԱԾ ԻՄ ՊՏՈՒՂՆԵՐԸ

Ես կարողացա՝

1. Առաժներից ընտրել առավել դիպուկը 2. _____, 3. _____

Ինձ զարմացրեց՝

1. Որ նախրապանի աղջիկը ուներ 20 աշակերտ 2. _____, 3. _____

Ես որոշեցի՝

1. Լավ սովորել, 2. _____, 3. _____



Ամեն հոգի, ամեն անհատ,
Եթե ունի արհեստ, ուսում,
Նա չի լինի տնանկ, աղքատ:

Ղազարոս Աղայան

Այս դասին դու՝

- Կգրես նկարներով պատկերված բայերի հականիշները:

- Կիմանաս, թե ինչպես պապիկը հնարամտորեն



իր փոխարեն թռռնիկին պատմել տվեց հեքիաթը:

- Կկարդաս քեզ ուղղված նամակը և կպատասխանես նամակագրին:

ՊԱՊԻԿԸ, ՈՐԸ ՉԷՐ ԿԱՐՈՂԱՆՈՒՄ ՀԵՔԻԱԹ ՊԱՏՄԵԼ Զաննի Ռոդարի



Կհանդիպես մի կատակասեր պապիկի, որը հեքիաթ պատմելիս անընդհատ փորձում է շփոթեցնել թռռնիկին:



– Լինում է, չի լինում՝ մի փոքրիկ աղջիկ է լինում, անունը՝ Դեղին գլխարկ...

– Ոչ թե Դեղին, այլ՝ Կարմիր...

– Ա՛խ, հա՛, Կարմիր գլխարկ... Մի անգամ մայրը կանչում է նրան և ասում. «Իմ սիրուն Կանաչ գլխարկ...»:

– Չէ՛, ի՞նչ Կանաչ, ասացի՛ Կարմիր:

– Լավ, լավ՝ Կարմիր: «Գնա՛ մորաքրոջդ տուն և նրան տար այս տապակած կարտոֆիլը...»:

– Ո՛չ, ո՛չ: Մայրիկն ասում է. «Գնա՛ տատիկի տուն և նրան տար այս կարկանդակները»:

– Լավ, թող այդպես լինի: Աղջիկը գնում է և անտառում հանդիպում ընծուղտին:





– Նորից ամեն ինչ խառնեցիր: Նա հանդիպում է գայլին և ոչ թե ընծուղտին:

– Եվ գայլը հարցնում է նրան. «Ինչքան կլինի՞ վեց անգամ ութ»:

– Լավ, էլի, պապիկ: Գայլը հարցնում է. «Ո՞ր ես գնում»:

– Ճիշտ ես ասում: Իսկ Սև գլխարկը պատասխանում է...

– Պապիկ, դա Կարմիր, Կարմիր գլխարկն էր:

– Լավ, լավ՝ Կարմիր: Նա պատասխանում է. «Ես գնում եմ շուկա՝ բալի մուրաբա գնելու»:

– Ոչ մի նման բան: «Ես գնում եմ տատիկի մոտ, բայց մոլորվել եմ»:



– Ճիշտ է: Իսկ ձին նրան ասում է...

– Ի՞նչ ձի: Կարմիր գլխարկը գայլի էր հանդիպել:

– Վայ, մոռացա, իհարկե՝ գայլ, որն էլ ասում է.

«Նստիր յոթանասունվեց համարի ավտոբուսը, գնա՛ մինչև հրապարակ, թեքվիր ձախ, այնտեղ կտեսնես ներքև տանող աստիճաններ: Այդտեղ կտեսնես մի հարյուրդրամանոց: Աստիճաններին ձեռք չտաս, իսկ հարյուրդրամանոցը վերցրո՛ւ և պաղպաղակ գնիր քեզ համար»:

– Պապիկ, դու հեքիաթ պատմել բոլորովին չգիտես: Իսկ պաղպաղակ, ի՞նչ էլ լինի, դո՛ւ պիտի գնես ինձ համար:

– Լավ: Ահա՛ քեզ հարյուր դրամ:

Եվ պապիկը նորից սկսեց թերթ կարդալ:





Հարցեր

1. Ո՞ր հեքիաթը «չէր կարողանում» պատմել պապիկը:
2. Ընտրի՞ր և կարդա այն տողերը, որոնք համընկնում են քեզ քաջ ծանոթ հեքիաթի բովանդակությանը:
3. Ի՞նչ հերոսներ կային պապիկի պատմած հեքիաթում:
4. Պապիկի պատմած հեքիաթի ո՞ր մասը քեզ դուր եկավ, ինչո՞ւ:



**ԱԶԳԻ
ԱՌԱՋ**

*յոթանասուն/եղ
ընչուդ*



Առաջադրանքներ

1



Քո կարծիքով՝ պապիկն

ինչո՞ւ «չէր կարողանում» պատմել հեքիաթը:

Ընտրի՞ր տարբերակներից մեկը:

- Ուզում էր պարզել, թե թոռնիկը հիշո՞ւմ է հեքիաթը:
- Ուզում էր պարզել, թե նա որքան ուշադիր է լսում:
- Ուզում էր զվարճացնել ու զարմացնել թոռնիկին:
- Պապիկը չգիտեր հեքիաթը:
- Ցանկանում էր թոռնիկին մասնակից դարձնել հեքիաթի ստեղծմանը:

2



Գրի՞ր նկարներում պատկերված գործողությունների հականիշները:



☀ Գուշակիր՝ ո՞վ է գրել նամակը:

☀ «Գրիր մի այնպիսի պատմություն, որ ես կարդամ ու ճանաչեմ ինձ»,– ասում է նամակագիրը:

6



Քեզ ծանոթ հե-
քիաթների ի՞նչ
հերոսներ տե-
սար նկարում:
Գրիր:



7



Ընկերներիդ հետ դերային խաղով ներկայացրո՛ւ
Շառլ Դեռոյի «Կարմիր գլխարկը» հեքիաթը:

ԴԱՍԻՑ ՔԱՂԱԾ ԻՄ ՊՏՈՒՂՆԵՐԸ

Ինձ զվարթացրեց _____

Ինձ հաջողվեց _____

Ես դժվարացա, բայց _____



Քո երազանքները կարող ես արտահայտել՝ ստեղ-
ծելով քո հեքիաթը:

Այս դասին դու՝

- Կիմանաս, որ բառերը կարող են տարբեր իմաստներ ունենալ:

- Կհանդիպես մի եղեգնիկի, որը երազում էր երգել:



- Կկարևորես քո երազանքին հասնելու հաստատակամությունը:

- Կպատմես, թե ինչպես ես արտահայտում քո հույզերն ու մտքերը:

ԵՂԵԳԸ, ՈՐԸ ՇԱՏ ԷՐ ՈՒՋՈՒՄ ԴԱՌՆԱԼ ՍՐԻՆԳ

Հուկաս Սիրունյան



Թե ինչպես սկսեցին երգել եղեգից հյուսած խսիրը, զամբյուղն ու տանիքը:



Հազարավոր եղեգների մեջ կար մի նուրբ*, կարմրավուն եղեգ, որն իր բոլոր ազգակիցների նման ցանկանում էր դառնալ սրինգ: Որովհետև եղեգները սրնգից բացի դառնում են նաև զամբյուղ, խսիր*, տան ծածկ և ուրիշ այլ բաներ: Դե, բնական է, որ այդքանի մեջ ամենատպավորիչը սրինգ դառնալն է: Մեղմ քամու դեմ հեզանազ* ճոճվող եղեգնուտում ամենանրբագեղը Կարմիր եղեգնիկն էր: Ամեն անգամ, երբ գյուղացին գալիս էր եղեգնուտ՝ եղեգ տանելու, սա ձգվում էր ոտքի վրա, բարակ տերևներով ծափ զարկում ու գեղանի ճոճվում,



որպեսզի նկատվի: Բայց ջանքերը* զուր էին անցնում. գյուղացին ուրիշների էր տանում: Իսկ մեկ անգամ աշնանը Կարմիր եղեգնիկի բախտը բերեց: Նրան նկատեց մարդը, հատեց սուր դանակով, խնամքով դրեց կապոցի մեջ, շալակն առած տարավ տուն: Կապոցի եղեգները կարծես անտարբեր էին իրենց ճակատագրի հանդեպ: Տարուբերվելուց նրանք խուլ ձայներ էին հանում, ոմանք նույնիսկ դժգոհում էին այս ուղևորությունից: Իսկ Կարմիր եղեգնիկն անչափ երջանիկ էր, աշխատում էր դարձյալ գեղանի երևալ ու քամու շունչն իր միջով անցկացնելով՝ վերածել հուզիչ* երգի: Գյուղացին եղեգները հասցրեց տուն, դասդասեց, թե որից ինչ պիտի սարքի, ու անցավ գործի: Բայց ի՞նչ դժբախտություն. Կարմիր եղեգնիկը չդրվեց նրանց մեջ, որոնք պիտի սրինգ դառնային: Նրա վշտին չափ ու սահման չկար:

Լեզու չունեի, որ խնդրեր, բացատրեր, համոզեր: Իր միակ «զենքը» գեղեցիկ մարմինն էր ու հաճելի երգը: Բայց դրանք չօգնեցին. գյուղացին որից սրինգ* պատրաստեց, որից զամբյուղ ու խսիր հյուսեց, մնացածն էլ դարձրեց տանիքի ծածկ:



Ամենատարօրինակ բախտը բաժին ընկավ Կարմիր եղեգնիկին: Գյուղացին նրանից մի շերտիկ անցկացրեց զամբյուղի մեջ, մի շերտիկ հյուսեց խսիրին, իսկ մնացած մասը դրեց ծածկի մեջ:

...Հետագայում ոչ մեկը գլխի չէր ընկնում, թե այգուց միրգ բերելիս ինչու է երգում զամբյուղը, կամ ինչու է նվագում խնձորենու տակ փռված խսիրը: Իսկ ամենատարօրինակը՝ ո՞վ էր տեսել, որ տանիքը երգի գեղեցիկ ու հուզիչ երգեր...



Հարցեր

1. Ի՞նչ էր երազում Կարմիր եղեգնիկը:
2. Ի՞նչ էր անում Եղեգնիկը իր երազանքն իրականացնելու համար:
3. Ի՞նչ պատահեց Եղեգնիկին:
4. Որտե՞ղ հայտնվեց Եղեգնիկը:
5. Քո կարծիքով՝ իրականացավ, արդյոք, Եղեգնիկի երազանքը: Հիմնավորիր:



ԱԶՔԻ
ԱՌԱՋ

Կամբջուղ
նրբագեղ
ուղևորություն
փարփրկակ



Առաջադրանքներ

1



Ավարտիր նախադասությունները:

Եղեգնիկը անհանգիստ էր, որովհետև _____:

Եղեգնիկը ուրախ էր, որովհետև _____:

Եղեգնիկը տխուր էր, որովհետև _____:



2



ա. Կարդա՛ նախադասությունները:

Երեխան մարզվում էր և կոփում **մարմինը**:


Գունդը երկրաչափական **մարմին** է:

Դպրոցի տնօրենությունը ղեկավար **մարմին** է:


Տեսչական **մարմինը** այցելեց դպրոց:

Նկատեցիր, որ տարբեր նախադասություններում **մարմին** բառը տարբեր իմաստներով է գործածված, այսինքն՝ բազմիմաստ բառ է:

բ. Բերան բառը գործածիր նախադասությունների մեջ այնպես, որ նա ունենա տարբեր իմաստներ:



գ. Գլուխ բառը գործածիր նախադասությունների մեջ այնպես, որ նա ունենա տարբեր իմաստներ:



ԲԱՌԸ՝ ԱՓԻ ՄԵՋ

Կա այսպիսի մի զրույց: Սրինգը հավերժահարս էր: Հին հունական Պան աստվածն ուզեց բռնել նրան: Սրինգը փախավ և տեսնելով, որ



Պանը շուտով հասնելու է,

կանգնեց ու դարձավ եղեգ: Պանը կտրեց եղեգը, սրինգ պատրաստեց և նվագեց:



3



Ըստ տեքստի՝ լրացրո՛ւ անավարտ նախադասու-
թյունները:

Եղեգները սրինգից բացի դառնում են _____:

Լեզու չունեն, որ _____:

Իսկ ամենատարօրինակը՝ _____:

Հետագայում ոչ մեկը գլխի չէր ընկնում, թե _____:

4



ա. Ինչ ձևերով էր Եղեգնիկն արտահայտում իր
մտքերն ու ցանկությունները, հույզերն ու զգաց-
մունքները: Գրի՛ր:

բ. Ինչպե՞ս ես դու արտահայտում քո մտքերն ու
ցանկությունները, հույզերն ու զգացմունքները: Պատմի՛ր մի
դեպք այդ մասին: Լսի՛ր ընկերներիդ պատմածը:

5



• Կարդա՛, թե տեքստն ինչպես է պատմում
զամբյուղը:

Մի անգամ ինձ համար հանգիստ
նստած էի, մեկ էլ սկսեցի երգել:

Ա՛յ քեզ բան, ես երգելու տրամադրություն
բոլորովին չունեի: Նախ՝ նոր էի այգուց
տուն եկել: Այնքան միրգ էին լցրել մեջս, որ
քիչ էր մնում փորս պայթեր: Հիմա, լավ է,
միրգն արդեն դատարկել են: Բայց կատուն եկել,
քթիս տակ նստել ու մռլտում է: Սա նույնիսկ ուզում է
տեղավորվել իմ մեջ:



Հա՛, բայց ես ինչո՞ւ եմ երգում, էլ ցավ ու դարդ չունեմ:

Բայց ես այս երգի ձայնը կարծես թե լսել եմ եղեգնուտում:
Մի փոքրիկ, գեղեցիկ Եղեգնիկ կար, ճիշտ և ճիշտ այսպես
էր երգում:

– Լսի՛ր, այ՛ իմ եղեգնուտի երգիչ, այդ դ՞ու ես:

– Ես եմ: Շատ էի ուզում երգի մրցույթին մասնակցել, բայց դարձել եմ զամբյուղի երգիչ:

– Շատ մի տխրիր, – ասացի Եղեգնիկին: – Մենք քեզ այստեղ էլ ենք շատ սիրում: Դու մեզ ուրախություն ես բերում. չէ՞ որ դու մեր բոլոր եղեգների անունից ես երգում և մե՛զ համար ես երգում:

- Պատմիր տեքստը գյուղացու անունից:

ԴԱՍԻՑ ՔԱՂԱԾ ԻՄ ՊՏՈՒՂՆԵՐԸ

Ընտրիր, թե քեզ ամենաշատն ինչը դուր եկավ: Ասա՛ քո տարբերակը:

- Եղեգնի համառությունը:
- Պատմության ավարտը:
- Սրինգի մասին ավանդությունը:

Ընտրիր, թե քեզ ամենաշատն ինչը զարմացրեց: Ասա՛ քո տարբերակը:

- Որ եղեգը մասնատվելուց հետո էլ երգում էր:
- Որ բառերը կարող են բազմիմաստ լինել՝ տարբեր իմաստներ ունենալ:
- Զամբյուղի պատմությունը:

Ընտրիր, թե այս դասից ինչը կցանկանաս պատմել ընտանիքիդ անդամներին: Ասա՛ քո՛ տարբերակը:

- Սրինգի մասին ավանդությունը:
- Թե ինչպես է քո մտերիմ ընկերն արտահայտում իր մտքերն ու ցանկությունները, հույզերն ու զգացմունքները:



Ով երգ ունի իր սրտում,
Երազանքներ ու ձգտում,

Նա կերգի անդադրում՝
Ուրախ լինի, թե՛ տրտում:

«ԻՆՉՊԵՍ ԵՆՔ ՄԵՆՔ ԻՆՔՆԱՐՏԱՀԱՅՏՎՈՒՄ»

ԹԵՄԱՅԻ ԱՄՓՈՓՈՒՄ

Այս դասին դու՝

- Կվերիիշես թեմատիկ շարքի հերոսներին:
- Ընկերներիդ հետ կլրացնես «Հույզերի աղյուսակը»:



- Բազմիմաստ բառերով կկազմես նախադասություններ:

1



1. Կարդա՛ հերոսների խոսքերը:
2. Գրի՛ր նկարներում պատկերված հերոսների անունները:
3. Ո՞ր խոսքը ո՞ր հերոսինն է:



– Ահա կգա ինքը,
իրեն կհարցնեք:

– Այս ի՞նչ հրա-
շալի գորգ է:

– Մի անգամ ինձ համար հան-
գիստ նստած էի, մեկ էլ սկսեցի
երգել:



– Նա շատ լավ երիտասարդ էր:

– Լինում է, չի լինում՝ մի
փոքրիկ աղջիկ է լինում:

– Չէ, ի՞նչ Կանաչ, ասացի՛ Կարմիր:



2



Ինչպե՞ս կավարտեն նախադասությունը
Անահիտը, պապիկը, Եղեգնիկը: Գրի՛ր:
Երազանքներին հասնելու համար _____:

3



• Բնութագրի՛ր թեմատիկ շարքի հերոսներին:

Պապիկ _____:

Առան _____:

Թոռնիկ _____:

Եղեգնիկ _____:

Անահիտ _____:

Գյուղացի _____:

• Ինչպե՞ս կբնութագրեն թեմատիկ շարքի հերոսներն իրենց:

4



Ո՞ր բառը պետք է գրել շրջանակում:

մարդու

սարի


գրքի

սոխի

կաղամբի

տարվա

առվի



ա. ոտք, **բ.** ձեռք, **գ.** գլուխ, **դ.** ծնոտ, **ե.** մատանեմատ

5



Մնջախաղով ներկայացրո՛ւ:

• Եղեգնիկին, որն ուզում էր, որ իրեն նկատի գյուղացին:

• Թոռնիկին, որին զարմացրել էր պապիկի հեքիաթը:



6



Լրացրո՛ւ «Հույզերի աղյուսակը» և ավելի լավ ճանաչի՛ր ընկերոջդ:

«Ինչ եմ անում ես» սյունակը լրացրու ինքդ, իսկ «Ինչ է անում ընկերս» սյունակը լրացնելու համար հարցրու ընկերոջդ:

Հույզեր	Ինչ եմ անում ես	Ինչ է անում ընկերս
Ջարմանքից		
Վախից		
Տխրությունից		
Բարկությունից		
Ուրախությունից		

7



«Աչքի առաջ» խորագրի՝ համբավ, շնորհալի, ուղևորություն, յոթանասունվեց, ընծուղտ, նրբագեղ, տարօրինակ, զամբյուղ բառերը տեղադրի՛ր տեքստում:



Մեծ _____ ունեցող թագաժառանգ Վաչագանը մի _____ կատարեց Աֆրիկա: Նա այնտեղից բերեց _____ երկարավիզ _____ ու նվիրեց _____ Անահիտին: Սակայն Անահիտը չընդունեց այդ _____ նվերն ու ասաց. «Ընծուղտները լավ կլինեն ապրեին իրենց երկրում՝ ազատ ու երջանիկ»: Իսկ ինքը կնախընտրի ընկերանալ մեկին, ով _____ ձեռքեր ունի և կարող է հասարակ _____ գործել ու նվիրել իրեն:

ԻՆՉՊԵՍ ԵՆՔ ՄԵՆՔ ԻՆՔՆԱԿԱԶՄԱԿԵՐՊՎՈՒՄ



Այս դասին դու՝

- Կզարգացնես բազմիմաստ բառերի մասին գիտելիքներդ:
- Բանաստեղծությունը կկարդաս համապատասխան հնչերանգներով:



- Կիմանաս, թե ինչն է ամենաբարձրը, որը աստղերից ու արևից էլ վեր է:
- Երազանքիդ հասնելու ճանապարհին կկարևորես ընկերներիդ օգնությունը:

ԱՄԵՆԱԲԱՐՁՐԸ

Երվանդ Պետրոսյան

Եթե աստղին լուռ հարցնես՝
Ինչո՞ւ այդքան դու բարձր ես,
Հանդարտ լույսով նա կասի քեզ՝
Թե երազես, ինձ էլ կանցնես:



– Դե՛, ձե՛զ տեսնեմ, իմ թոռնիկներ,
Մտածե՛ք ու ասե՛ք.
Բարձրից բարձր ի՞նչն է կյանքում,
Ուզում եմ ձեզ լսել:

Պապի խոսքը դեռ չավարտված՝
Բակը իրար անցավ...
Մի տեսնեիք՝ փոքրիկները
Ինչպե՛ս ուրախացան:

– Ծա՛ռն է բարձրը,– մեկը կանչեց:
– Տո՛ւնն է,– մեկը ճչաց:
– Արարա՛տն է,– հնչեց մի ձայն:
– Ա՛մպն է՝ լեռանն իջած:



– Ինքնաթիռն է...
 – Չէ, հրթիռն է...
 – Չէ, լուսինն է, որ կա:
 – Բա արևը... բա արևը...
 – Աստղից բարձրը չկա:
 Ու կանգ առան:
 Ու լռեցին:
 Ինչ ասեին,
 Էլ ինչ...
 Վերև, ներքև հա նայեցին,
 Բայց չգտան ոչինչ:



Եվ խմբվեցին շուրջը պապի.
 – Պապի՛կ, գտա՞նք, ասա՛:
 Պապը ժպտաց.
 – Չէ, չգտաք...
 Թեկուզ՝ երկինք հասաք:
 Բարձրից բարձր,
 Իմ թռչնիկներ,
 Երազանքն է մարդու.
 Արևից վեր, աստղերից վեր...
 Աննահանջ* ու արթուն:

Եթե սիրով մեկդ մեկիդ
 Դառնաք թև ու թիկունք*,
 Երազանքից թևեր առած՝
 Կբարձրանաք և դուր:

Հարցեր

1. Ինչ հարց տվեց պապիկը թռչներին:
2. Ինչ պատասխաններ տվեցին փոքրիկները:
3. Ըստ պապի՝ ինչն էր ամենաբարձրը:
4. Ինչ խորհուրդ տվեց պապիկը թռչներին:
5. Դու ինչպե՞ս կպատասխանես պապի հարցին:

Առաջադրանքներ



1

Ինչպիսի՞ն պետք է լինի մարդու երազանքը՝ ըստ բանաստեղծության:

Արտագրի՛ր այդ տողերը:

2



Ի՞նչ է նշանակում **թև ու թիկունք դառնալ** դարձվածքը:

Ընտրիր ճիշտ պատասխանը և գրիր:

1. Պաշտպան, օգնական, աջակից դառնալ:
2. Թիկունքով շրջվել իրար:
3. Թիկունքից հարվածել:

3



Արտագրիր փոքրիկների պատասխանները՝ բացականչական նշանը փոխարինելով հարցական նշանով և կարդա՛ համապատասխան հնչերանգով:

4



Երազանքների իրականացում

- Ի՞նչ երազանքներ ունես: Գրիր դրանցից մեկը:
- Կարդա՛ գրածդ ընկերներիդ համար:
- Ուշադիր լսիր ընկերներիդ:
- Գտիր նույն երազանքն ունեցող ընկերներիդ:
- Միասին մտածե՛ք, թե ի՞նչ կարող եք անել ձեր երազանքին հասնելու համար:
- Ներկայացրե՛ք մյուս խմբերին:




5



Նկարելուկ

Նկարելուկի պատասխանով խաղացե՛ք «Բառաճամոցի» խաղը:



6



Կազմիր նախադասություններ՝ բազմիմաստ **թև** բառը գործածելով հետևյալ նշանակություններով.

- թռչունների թռչելու հիմնական միջոցը,
- ինքնաթիռի վեր բաժրացնող մասերից մեկը,
- մարդու բազուկ, ձեռք,
- երկփեղկ դռան ամեն մի փեղկը,
- խաչի հորիզոնական փայտի մասերից յուրաքանչյուրը:



ԴԱՍԻՑ ՔԱՂԱԾ ԻՄ ՊՏՈՒՂՆԵՐԸ



	Նշիր քո ձեռքբերումները	+
1.	Ես իմացա, թե ինչն է ամենաբարձրը:	
2.	Ես իմացա երազանքներին հասնելու ճանապարհը:	
3.	Արտահայտիչ կարդացի բանաստեղծությունը:	
4.	Կարողացա բացատրել դարձվածքի իմաստը:	
5.	Փոփոխեցի նախադասություններ՝ ըստ հնչերանգների:	
6.	Վերծանեցի նկարելուկը, պատասխանից «քամեցի» բառեր:	
7.	Բազմիմաստ բառով նախադասություններ կազմեցի:	
8.	Գտա նույն երազանքն ունեցող ընկերներիս:	

Այս դասին դու՝

- Կամրապնդես թվակա-
նի մասին գիտելիքներդ:

- Կիմանաս, թե «Շախ-
մատ» խաղն ստեղծողը
ցորենի քանի հատիկ է ու-
զել խաղատախտակի ամեն
մի վանդակի համար:



- Կստեղծես շախմատա-
յին դիրքեր և կխաղաս:

- Կկարևորես միասնա-
կան լինելն ու համագոր-
ծակցելը ինչպես շախմա-
տում, այնպես էլ կյանքում:

ՇԱԽՄԱՏ

Ռաֆայել Հայրապետյան



Պետք է գործել ո՛ւս ուսի՛,
Ոչ թե անջատ, մեկուսի:



Շախմատ խաղալիս Գոռն ասաց. «Վաչէ,
Գործերդ ո՛նց որ այնքան էլ լավ չեն»:
– Իսկ ինչո՞ւ, այ Գոռ, ի՞նչ է եղել որ,
ես ունեմ երեք անցունակ* զինվոր:
– Բայց իմ փղերը՝ խենթ ու համարձակ,
Նրանց կճգմեն հաստ ոտքերի տակ:
– Քո փղերը, Գոռ, մեկտեղ չեն գործում,
Միմյանց պաշտպանել նույնիսկ չեն փորձում,
Իսկ զինվորներն իմ շատ են քաջարի,
Տեն՝ ո՛նց են մեկտեղ ելել պայքարի:
Իսկ որտեղ որ կա սեր ու միություն,
Այնտեղ չի լինի երբեք պարտություն:



ԱԶՔԻ
ԱՌԱՋ

համարչակ
երբեք
փորչել



Հարցեր

1. Գոռն ինչո՞ւ էր համոզված, որ ինքը կհաղթի:
2. Ի՞նչ պատասխան տվեց Վաչեն Գոռին:
3. Տղաներից ո՞ր մեկի խաղաքարերն ունեին դիրքային առավելություն:
4. Այս մրցապայքարում ի՞նչը կօգնի հաղթանակին:
5. Քո կարծիքով՝ ինչո՞վ է շախմատը նման կյանքին:



Առաջադրանքներ

1



Օգտվելով տեքստից՝ ավարտիր նախադասությունները:

Գոռի խաղաքարերը _____:

Վաչեի խաղաքարերը _____:

2



Վերականգնիր «քանդված» առածները և գրիր:

շուռ

Գյուղ

կտանք:

Ուս

կանգնի՝

ուսի

գերան

որ

կկոտրի:

տանք,

սարեր

3



Ըստ տեքստի՝ ընկերոջդ հետ ստեղծիր շախմատային դիրքեր և խաղա՛:

4



Լրացրո՛ւ խաչբառը և ընդգծված սյունակում կկարդաս, թե հայերն ինչ բառ են գործածել **շախմատ** բառի փոխարեն:


1. Հայոց այբուբենի տառի անուն, որի թվային արժեքը 100 է:
 2. Թագ ունեցող խաղաքար, որին կարող են մատ հայտա-
 րարել:

3. Հաղթանակ կամ պար-
 տություն շախմատում:

4. Խաղաքար, որից ա-
 մենաշատը կա խաղա-
 տախտակի վրա:

5. Թեկուզ նա թագ ու-
 նի, բայց արքայի համար
 կգոհի իրեն:

6. Ե՛վ ջրում է լավ լողում, և՛ խաղատախտակի վրա:



ԲԱՌԸ՝ ԱՓԻ ՄԵՋ

Մենք՝ հայերս, **շախմատ** բառը
 միայն վերջին ժամանակներում
 ենք գործածում: **Շախմատ = շախ**
+ մատ, որը նշանակում է մահ
 շահին (արքային): Մենք նախկինում

գործածել ենք **ճատրակ** բառը: Խաղը հնարել են
 Հնդկաստանում անհիշելի ժամանակներում: **Ճատրակ**-ը



կազմված է հին հնդկե-
 րեն **ճատր** (չորս) և
անգ (մաս) բառերից և
 թարգմանվում է **քառ-
 անդամ** կամ **չորեք-
 մասնյա**:





ՇԱԽՄԱՏՁ ԵՎ ՄԵՆՔ



Հայաստանում շախմատը հայտնի է դեռևս 9-րդ դարից: Նույնիսկ միջնադարյան Հայաստանի մայրաքաղաքում՝ Դվինում, հնագիտական աշխատանքներ կատարելիս հայտնաբերվել են շախմատի խաղաքարեր:

Հայաստանում շախմատը ժողովրդական դարձավ հատկապես Տիգրան Պետրոսյանի շնորհիվ: 1963 թվականին Պետրոսյանը դարձավ շախմատի աշխարհի չեմպիոն*:

Պետրոսյանը վեց տարի անընդմեջ (1963-1969) եղել է աշխարհի չեմպիոն, ինն անգամ՝ շախմատային օլիմպիադայի (1958-1974) հաղթող:



Այդ տարիներին Հայաստանում այնքան մեծ էր շախմատի և Տիգրան Պետրոսյանի նկատմամբ հայերի համակրանքն ու խանդավառությունը, որ շատ շատերն իրենց երեխաների անունները Տիգրան էին դնում, տանում շախմատի պարապմունքների:

Մեծ են փոքրիկ Հայաստանի նվաճումները համաշխարհային մրցաբեմերում:

Հայաստանը բազմիցս հաղթող է ճանաչվել շախմատային օլիմպիական խաղերում* և աշխարհի առաջնություններում: Այդ իսկ պատճառով Շախմատի միջազգային ֆեդերացիան Հայաստանի շախմատի տղամարդկանց հավաքականը ճանաչել է հարյուրամյակի լավագույն թիմ:

Մեկ անգամ ևս համոզվում ենք, որ երբ միասնական ենք ու միակամ, ապա ուժեղ ենք և անպարտելի:

2011 թվականից շախմատը՝ որպես ուսումնական առարկա, դասավանդվում է ՀՀ հանրակրթական դպրոցներում:



«Շախմատը և մենք» տեքստից դժուար գրի՛ր թվականները և գրի՛ր բառերով:

ԹՎԱԿԱՆՆԵՐ

Գրվում են մեկ բառով	Գրվում են միասին	Գրվում են առանձին
թվանշանները (0-9)	11 – 99 թվերը՝ • տասներեք • երեսունչորս • յոթանասունյոթ • ութսունինը • իննսունինը	100-ից մեծ թվերը՝ • հարյուր մեկ • հարյուր քսանչորս • երկու հարյուր տասնութ • երկու հազար երեք հարյուր տասնվեց • երեք հազար ինը • յոթ միլիոն քսան
կլոր թվերը (10, 20, ...90) և՝ հարյուր • հազար • միլիոն • միլիարդ		

ՄԻ ՀԵՏԱՔՐՔԻՐ ՊԱՏՄՈՒԹՅՈՒՆ

Օրերից մի օր հնդիկ թագավորի շքեղ պալատ է գալիս մեկը և ասում, որ մի շատ հետաքրքիր խաղ է հորինել: Թագավորը շատ է հավանում նրա ստեղծած խաղը, որը շախմատն էր:

Ասում է՝ ի՞նչ պարզև ես ուզում այս խաղի համար:

Խաղն ստեղծողը պատասխանում է.

– Ես ուզում եմ, որ շախմատի տախտակի 1-ին վանդակի համար ինձ տաք ցորենի մեկ հատիկ, 2-րդ վանդակի համար՝ երկու անգամ շատ, 3-րդ վանդակի համար՝ երկու անգամ շատ՝ չորս հատիկ, և այդպես շարունակ՝ մինչև 64-րդ վանդակը:

Թագավորն ասում է.

– Շատ քիչ բան ես ուզում այս հրաշալի խաղի համար:

Եվ հրամայում է, որ հաշվեն ու տան: Պալատական գիտնականները հաշվում են և տեսնում, որ անհնար է այդքան ցորեն տալ:



Նրանք ասում են, որ եթե հնարավոր լիներ երկրագնդի ամբողջ մակերևույթով մեկ ցորեն ցանել, 8 տարի բերքը հավաքել ու պահեստավորել, ապա դարձյալ թագավորը չէր կարողանա խաղը հնարողի պահանջը կատարել:

Որպես գաղտնիք ասենք, որ հատիկների թիվը 20-նիշանոց թիվ է՝ 18446744073709551615:

Եկեք հաշվենք, թե առաջին 14 վանդակի համար քանի հատիկ ցորեն է պետք՝ 1, 2, 4, 8, 16, 32, 64, 128, 256, 512, 1024, 2048, 4096, 8192:

Այս 8192 հատիկի ընդհանուր զանգվածը մոտավորապես 330 գրամ է:

6



Այժմ հաշվեք, թե որերորդ վանդակում ցորենի հատիկների զանգվածը կանցնի

1 տոննայից:

7



Տեքստից դժուար գրի՛ր երեքական գոյական, ածական, թվական, բայ:

Գոյական _____:

Ածական _____:

Թվական _____:

Բայ _____:

8



Լրացրո՛ւ աղյուսակը՝ գոյականները դարձնելով բայ և ածական:

Գոյական	Ածական	Բայ
արև		
անձրև		
պար		

9



Վերականգնի՛ր առածները: Գտի՛ր դրանցում եղած թվականների գումարը: Այդ թվով հիշի՛ր մի առած և գրի՛ր:

- ծափ

տա

Մի

չի

ձեռքը
- կլվանա,

ձեռքը՝

Ձեռքը

երես

երկու

ձեռք
- երկուսը՝

Մի

լավ

ավելի

խելքը

է,

լավ
- չի

ծաղկով

գարուն

Մի

լինի

ԴԱՍԻՑ ՔԱՂԱԾ ԻՄ ՊՏՈՒՂՆԵՐԸ

Ես իմացա, որ _____
 Ինձ հաջողվեց _____
 Ես դժվարացա, երբ _____
 Շախմատն ինձ կօգնի, որ ես _____



Միասնականությունը բազմապատկում է ուժերը, մղում հաղթանակների:

Այս դասին դու՝

• Կամրապնդես նախա-
դասությունները համառո-
տելու քո կարողությունները:

• Կհորինես պատմություն:



• Կհայտնվես բույսերի
թագավորությունում:

• Կտեսնես, թե ինչ են
անում թզուկները:

ԶԻՊՈԼԻՆՈ

Ջաննի Ռոդարի



Հեքիաթ, որտեղ բույսերն իրենց պահում են
մարդկանց պես, իսկ մարդիկ՝ բույսերի:



• Ուշադիր դիտիր նկարը, հորինիր մի պատմություն:

• Կարդա՛ տեքստի առաջին պարբերությունը:

• Բովանդակությունը համեմատիր քո հորինած պատմու-
թյան հետ:

Մի բոլորովին ոչ գեղեցիկ
օր չորս վարունգ լծած իր
կառքով ժամանեց պարոն
Լոլիկը: Այս անգամ նրան մի
տասներկու Կիտրոնիկ էր ու-
ղեկցում: Առանց երկար-բա-
րակ խոսելու, սրանք քավոր
Դդումին դուրս արեցին տնից,
իսկ նրա տեղը Մաստինո
անունով մի հսկա տնապահ
շուն դրեցին:



– Ահա,– սպառնագին շուրջը նայելով՝ հայտարարեց
Լոլիկը,– հիմա ձեր բոլոր լակոտները կսովորեն ինձ հարգել:



– Ճիշտ է, ճիշտ է,–
խուլ հառաչեց Մաս-
տինոն:

– Ինչ վերաբերում է
ծերուկ Դդումին,– շա-
րունակեց պարոն Լո-
լիկը,– նա այսուհետև
կսովորի իմ հրա-

մաններին ենթարկվել: Իսկ եթե շատ է ուզում ծածկի տակ
ապրել, ապա նրա համար միշտ էլ մի հարմար տեղ կճարվի
բանտում: Այնտեղ բոլորի համար էլ տեղ կլինի:

– Ճիշտ է, ճիշտ է,– նորից հաստատեց Մաստինոն:

Վարպետ Խաղողն ու Չիպոլինոն, արհեստանոցի շեմքին
կանգնած, ամեն ինչ տեսնում ու լսում էին, բայց ծերուկին
ոչնչով չէին կարող օգնել:

Քավոր Դդումը տխուր նստել էր կոճղի վրա և մորուքի
մազերն էր փետում: Ամեն անգամ քաշելիս՝ ձեռքին մի փունջ
մազ էր մնում: Ի վերջո, նա որոշեց թողնել այդ զբաղմունքը,
որ անմորուք չմնա, ու սկսեց կամաց-կամաց հառաչել: Իսկ
քավոր Դդումը հառաչանքի մեծ պաշար ուներ:

Վերջապես պարոն Լոլիկը մտավ իր կառքը: Մաստինոն
կանգնեց առջևի թաթերին և իր տիրոջը պոչով պատիվ
տվեց:

– Տես, հա՛, կիսկես,– հրամայեց պարոն Լոլիկը, մտրակեց
Վարունգներին, և կառքը, փոշու ամպ բարձրացնելով, առաջ
սլացավ:

Ամառային հրաշալի շոգ օր էր: Տիրոջ գնալուց հետո
Մաստինոն, շոգից լեզուն դուրս գցած, պոչը հովհարի նման
թափ տալով, մի քիչ զբոսնեց տնակի առջև: Բայց ոչինչ չէր

օգնում: Շունը շոգից ուժասպառ եղավ: «Հիմա վատ չէր լինի, որ մի բաժակ սառը ջուր խմեի», – մտածում էր նա:

Շուրջը նայեց, տեսնի՝ մի հարմար երեխա չկա՞, որ ուղարկի մոտակա պանդոկը*՝ հյուսիս բերելու, բայց փողոցում հակառակի պես ոչ ոք չկար: Ճիշտ է, կոշկակարի արհեստանոցում բաց դռնից երևում էր Չիպոլինոն, բայց նրանից սոխի այնքան կծու հոտ էր փչում, որ Մաստինոն սիրտ չէր անում նրան կանչել:

Հարցեր

1. Ինչո՞ւ էր օրը «բոլորովին ոչ գեղեցիկ»:
2. Ի՞նչ պատահեց քավոր Դոլոմի հետ:
3. Ի՞նչ հրամայեց Լուիկը Մաստինո շանը:
4. Ի՞նչ էր ուզում Մաստինոն:
5. Քո կարծիքով՝ ի՞նչ կանի Մաստինոն:



Առաջադրանքներ

- 1**  Գրի՛ր, թե որ գործողությունը որ հերոսն է անում:

Օրինակ՝ **պատիվ տվեց – Մաստինո:**

Ժամանեց, ուղեկցեցին, հառաչեց, զբոսնեց, նստեց, հրամայեց, պոկեց, մտրակեց:

- 2** 

- Քանի՞ Կիտրոնիկ էր ուղեկցում Լուիկին: Գրի՛ր բառերով:
- ✧ Այդ թվականով կազմի՛ր բառակապակցություններ:
- ☀ Այդ թվականի արմատներով կազմի՛ր նոր բառեր:

3



Ամեն անգամ մի բառ հանելով՝ համա-
ռոտիր նախադասությունը:

Քավոր Դդումը տխուր նստած էր մի կոճղի վրա:

4



Ըստ տեքստի՝ լրացրո՛ւ բաց թողած բա-
ռերը և գրի՛ր այդ բառերի հոմանիշները:

Ամառային հրաշալի _____ օր էր:

Մաստինոն _____ տնակի առջև:

Շունը շոգից _____:

5



Նկարագրի՛ր, թե ինչ ես տեսնում նկարում:
Ի՞նչ են զրուցում կենդանիները: Ի՞նչ են անում

թզուկները:



ԴԱՍԻՑ ՔԱՂԱԾ ԻՄ ՊՏՈՒՂՆԵՐԸ

Ես ծանոթացա _____

Ես կարողացա _____

Ես ստեղծեցի _____

Այս դասին դու՝

• Կամրապնդես նախադասությունների մասին գիտելիքներդ:



նոյի արարքը:

• Կպարզես, թե սոխն ինչպես են անվանում իտալերեն:

• Կգնահատես Չիպոլի-

ԶԻՊՈԼԻՆՈ

ԹԵ ԻՆՉՊԵՍ ԶԻՊՈԼԻՆՈՆ ԽԱԲԵՑ ՄԱՍՏԻՆՈ ՇԱՆԸ

(շարունակություն)

Թե ինչպես կեսօրվա շոգը փրկեց Քավոր
Դդումի մորուքը:



Սակայն Չիպոլինոն ինքը նկատեց, որ շունը շոգից նվաղում* է: «Ես Չիպոլինոն չլինեմ, եթե դրա գլխին մի փորձանք չբերեմ», – մտածեց նա:

Իսկ շոգը քանի գնում ուժեղանում էր, որովհետև արևն ավելի էր բարձրանում: Խեղճ Մաստինոն այնքան խմել էր ուզում:

– Էյ, էյ, – թույլ ձայնով կանչեց Մաստինոն:

– Դուք ի՞նձ եք կանչում, պարոն:

– Ձե՛զ, պատանյակ, ձե՛զ: Գնացե՛ք, ինձ համար մի շիշ սառը հյութ բերե՛ք, խնդրում եմ:

– Ա՛խ, ես մեծ ուրախությամբ կգնայի, պարոն Մաստինո, բայց իմ տերը հենց նոր կարկատելու տվեց այս կոշիկը, և ես ոչ մի կերպ չեմ կարող բացակայել:

Ճիշտն ասած, Չիպոլինոն ամբողջ հոգով խղճում էր ծարավից տանջվող շանը, բայց նրան դուր չէր գալիս այն արհեստը, որով զբաղվում էր Մաստինոն, բացի դրանից, ուզում էր մի անգամ էլ դաս տալ պարոն Լոլիկին:



Մոտ ժամը երեքին արևն այնպես սկսեց այրել, որ փողոցում նույնիսկ քարերը քրտնեցին: Մաստինոն շոգից ու ծարավից քիչ մնաց կատաղեր:

Վերջապես Չիպոլինոն վեր կացավ իր աթոռից, մի շիշ ջուր լցրեց և ավելացրեց այն սպիտակ դեղափոշուց, որ անքնության դեմ ընդունում էր վարպետ Խաղողի կինը:

Նա մատով փակեց շի բերանը, մոտեցրեց շրթունքներին՝ ցույց տալով, թե խմում է:

– Պարոն Չիպոլինո,– զարմացած հարցրեց Մաստինոն,– այդ ինչպե՞ս է, որ շիշը միշտ լիքն է մնում:

– Բանն այն է,– պատասխանեց Չիպոլինոն,– որ այս շիշը իմ ողորմածիկ* պապի նվերն է: Սա կախարդական շիշ է և երբեք չի դատարկվում:

– Իսկ դուք ինձ չե՞ք թողնի, որ մի քիչ խմեմ, գոնե մի կում: Մի կում միայն:

– Մի կում: Խմե՞ք ինչքան ուզում եք,– պատասխանեց Չիպոլինոն,– ես ձեզ ասացի, որ իմ շիշը երբեք չի դատարկվում:

Կարո՞ղ եք պատկերացնել, թե ինչքան ուրախացավ Մաստինոն: Նա անընդհատ շնորհակալություն էր հայտնում Չիպոլինոյին, լիզում էր նրա ոտքերը և պոչը շարժում:

Չիպոլինոն ջուրը մեկնեց Մաստինոյին: Սա շիշը խլեց տղայի



ինչո՞ւ է ժպտում Չիպոլինոն:

ծեռքից և ագահորեն ամբողջ ջուրը մի կում արեց: Դատարկ շշին նայելով՝ նա զարմացավ:

– Ինչպե՞ս, արդեն վերջացավ: Իսկ դուք ինձ ասում էիք, թե շի...

Նա այդպես էլ չկարողացավ վերջացնել, ընկավ ու քնեց:

Չիպուլինոն շղթան հանեց, շանը շալակեց ու տարավ այն ամրոցի մոտ, որտեղ ապրում էին կոմսուհի Բալերն ու պարոն Լուիկը: Հետ դառնալով՝ նա տեսավ, որ Քավոր Դդումն արդեն նորից տիրացել է իր տնակին: Ծերուկի դեմքը և պատուհանից դուրս ընկած քրքրված մորուքն աննկարագրելի ուրախություն էին արտահայտում:

«Խեղճ շուն,– մտածում էր Չիպուլինոն,– դու ինձ ներիր, խնդրում եմ, բայց ես պարտավոր էի այդպես վարվել»:



Հարցեր

1. Չիպուլինոն ինչո՞ւ չէր ցանկանում օգնել Մաստինոյին:
2. Հեղինակն ինչպե՞ս է նկարագրում փողոցի շոգը: Կարդա՛ այդ հատվածը:
3. Ի՞նչ հնարամտությամբ Չիպուլինոն խաբեց շանը:
4. Ինչո՞ւ էր նա ուզում դաս տալ Լուիկին ու Մաստինոյին:



Առաջադրանքներ

1



ՀԵՔԻԱԹԻ ՀԵՐՈՍՆԵՐԸ՝ ԱՓԻ ՄԵՋ

- Ովքե՞ր էին հեքիաթի հերոսները:
- ☀ Ի՞նչ խմբերի կբաժանես նրանց:
- ☀ Բնութագրի՛ր հերոսներին:

2



Կարդա՛ և որոշի՛ր, թե ինչի մասին է հեքիաթի վերջին նախադասությունը:

Չիպուլինոյի՝

- քաղաքավարության և ափսոսանքի,
- գոռոզամտության և պարծենկոտության,
- ուրիշների նկատմամբ պատասխանատվության,
- հնարամտության և ճարպկության,
- խղճմտանքի և կարեկցանքի:

3



Օգտվելով տեքստից՝ լրացրո՛ւ բաց թողած.

ա. գոյականները.

Ծերուկի _____ և _____ դուրս ընկած քրքրված _____
աննկարագրելի _____ էին արտահայտում:

բ. բայերը.

Չիպուլինոն ջուրը _____ Մաստինոյին: Սա շիշը _____
տղայի ձեռքից և ագահորեն ամբողջ ջուրը մի կում _____:
Դատարկ շշին նայելով՝ նա _____:

4



Վերականգնի՛ր նախադասությունների հաջորդա-
կանությունը՝ ըստ տեքստի և գրի՛ր:

• Տիրոջ գնալուց հետո Մաստինոն, շոգից լեզուն դուրս
գցած, պոչը հովհարի նման թափ տալով, մի քիչ զբոսնեց
տնակի առջև:

• Մոտ ժամը երեքին արևն այնպես սկսեց այրել, որ
փողոցում նույնիսկ քարերը քրտնեցին:

- Մաստիճանն անընդհատ շնորհակալություն էր հայտնում Չիպոլինոյին, լիզում էր նրա ոտքերը և պոչը շարժում:

- Վարպետ Խաղողն ու Չիպոլինոն, արհեստանոցի շենքին կանգնած, ամեն ինչ տեսնում ու լսում էին, բայց ծերուկին ոչնչով չէին կարող օգնել:

5



Ընդարձակիր համառոտ նախադասությունը:

- Շիշը չի դատարկվում:
- _____ շիշը չի դատարկվում:
- _____ շիշը _____ չի դատարկվում:
- _____ շիշը _____ չի դատարկվում:

6




Հանելուկներով խաչբառ

Լուծիր խաչբառը: Ընդգծված սյունակում կստանաս փոքրիկ սոխի իտալերեն անվանումը:


1. Ողկույզներով անթերի
Թագուհին է մրգերի,
Ով որ թողնի չորանա,
Պատասխանը կստանա:



2. Դեղին է՝ գանձ չէ,
Պտուղ է՝ տանձ չէ,
Թթու է՝ թան չէ,
Ամեն մարդու բան չէ:



3. Կեսը տաք է, կեսը՝ դեղ,
Չես հանդիպի ամեն տեղ,
Մանր-մանր թե աղաս,
Զգո՛ւյշ, հետը չխաղաս:



4. Շատ շորեր ունի հագին,
Ով հանի, կլացի ահագին:



5. Կարմիր, կլոր ու թթվաշ,
Ծառի վրա՝ զարդանախշ:



6. Երկար, կանաչ պարկիկներ,
Ներսում՝ տափակ գնդիկներ:



7. Կանաչ, հաստիկ մի արկ է,
Պինդ ջրով լի մի պարկ է,
Կանաչ թփից են քաղում,
Ե՛վ թարմ ուտում, ն՝ աղում:



8. Երբ դեռ խակ եմ՝ կանաչ եմ,
Ձեզ բոլորիդ ճանաչ եմ,
Կարմիր եմ ես՝ ալ խնձոր,
Օտար բառով՝ պոմիդոր:

ԴԱՍԻՑ ՔԱՂԱԾ ԻՄ ՊՏՈՒՂՆԵՐԸ Գրիր կամ ասա՛.

3 բան, որ կարողացար անել,

2 բան, որ կարևորեցիր,

1 բան, որի մասին կպատմես մյուսներին:



Մենք տեսանք, թե ինչպես բույսերը սկսեցին իրենց պահել
մարդկանց պես, որ մարդիկ տեսնեն ու ճանաչեն իրենց:

Այս դասին դու՝

- Կծանոթանաւ զգայական վերաբերմունք արտահայտող բառերի:

- Նախադասությունները կկարդաս համապատասխան հնչերանգով:



- Կիմանաւ, թե ինչ «հանցանքներ» է կատարել պատմվածքի հերոսը:

- Կզարմանաւ փոքրիկ հերոսի մեծ հնարամտության վրա:



ՀՆԱՐԱՄՏՈՒԹՅԱՆ ՑԱՆԿԱՊԱՏԸ

Մարկ Տվեն



Թե ինչպես ամառային մի շոգ օր ցանկապատ ներկելը դարձավ բաղձալի զբաղմունք:



ՑԱՆԿԱՊԱՏԻ ՄՏՈՐՈՒՄՆԵՐԸ

Վաղուց եմ կանգնած այգու եզրին: Արևն ամբողջովին քայքայել է ներկս: Քանի անգամ է իմ վրայով թռել Թոմը, իսկ հիմա՝ դույլը ձեռքին եկել է ինձ ներկելու: Հաստատ պատժել են, թե չէ ինքնական չէր գա: Բայց տեսնեմ կներկի՞ ինձ, հավատս չի գալիս: Թեև Թոմին ես սիրում եմ:

Ազնիվ հոգի ունի: Համարձակ է, շատ ինքնուրույն և հնարամիտ:

Դե, քեզ տեսնեմ, չհիասթափեցնես ինձ, Թոմ: Լավ ներկիր ինձ:

Վայ, էս ինչ ծուլորեն է ներկը քսում քթիս:

Սա հաստատ մի բան կհորինի:



Թոմն այսօր մի քանի «հանցանք» է կատարել. կերել է մուրաբան, սուտ է խոսել, կռվի մեջ է ընկել, կեղտոտել ու պատառոտել է հագուստը, փախել է դպրոցից՝ գնացել գետում լողալու:

Եվ այժմ Թոմի համար մորաքույր Փոլին պատիժ է մտածել: Հանգստյան օրը, երբ բոլոր երեխաները գնում են գետը լողալու, Թոմը պետք է ներկի ցանկապատը:

Մայթին հայտնվեց Թոմը, մի ձեռքին՝ կրով լի դույլ, մյուս ձեռքին՝ մի երկար վրձին: Տղան նայեց երկար ցանկապատին, և նրա սրտից դուրս թռավ ամեն մի ուրախություն:

Հառաչելով նա վրձինը թաթախեց կրի մեջ և քսեց վերևի տախտակին: Նորից մի քանի անգամ քսեց, ապա սպիտակ գույնով ներկված այդ աննշան մասը համեմատեց չներկված տախտակների հետ և հուսահատ* նստեց տակառի վրա:

Այդ պահին երևաց Բեն Ռոջերսը, հենց այն տղան, որի ծաղրանքներից Թոմը բոլորից շատ էր վախենում:

– Հի՛, հի՛: Կոճղին ես կապված, հա՛:

Ոչ մի պատասխան: Թոմն արվեստագետի աչքով նայեց իր ներկածին, վրձինը մի թեթև քսեց և հետ գնաց ավելի լավ նայելու համար: Հետո ասաց.

– Ա՛խ, այդ դ՞ու ես, Բեն, չնկատեցի:

– Հը՛, մեր տղա, գործի են լծել, հա՛:



Լսիր, ես գնում եմ լողալու: Դու չե՞ս
ուզում: Բայց չէ, դու գործ ունես:
Պետք է աշխատես:

Թոմը մի պահ նայեց նրան և
ասաց.

– Դու ի՞նչն ես աշխատանք
համարում:

– Միթե դա աշխատանք չէ:

Թոմը շարունակեց սպիտա-
կեցնել և անփույթ* ասաց.

– Գուցե աշխատանք է, գուցե
և ոչ: Ես միայն այն գիտեմ, որ
դա Թոմ Սոյերի սրտին մոտ է:

– Էհ, վերջ տուր: Հո չե՞ս
ուզում ասել, որ դա նույնիսկ
քեզ դուր է գալիս:

Վրձինը շարունակեց շարժվել:

– Դուր գա՛լ: Իսկ ինչո՞ւ պիտի դուր չգա:
Հո ամեն օր տղաներին չի հաջողվում
ցանկապատ ներկել:

Դրանից հետո գործն այլ ընթացք
ստացավ: Թոմը վրձինը թեթևակի հետ
ու առաջ էր տանում, հետ գնում ու
նայում արդյունքին, տեղ–տեղ վրձնի հարված էր տալիս և
նորից քննադատաբար նայում: Բենը, որ հետևում էր նրա
յուրաքանչյուր շարժմանը, գնալով ավելի էր հետաքրքրվում,
ավելի հմայվում: Ի վերջո ասաց.

– Լսիր, Թոմ, տուր մի քիչ էլ ես ներկեմ:



**ԱԶԳԻ
ԱՌԱՋ**

*Վրձին
ընթացք
անփույթ
փնտրաբերել*



Հարցեր

1. Ո՞ր արարքների համար էր մորաքույր Փոլին պատժել Թոմին:
2. Ի՞նչ պատիժ էր մտածել մորաքույր Փոլին:
3. Ինչպե՞ս Թոմը համոզեց Բենին ներկել ցանկապատը:
4. Ըստ Բենի ու Թոմի՝ ե՞րբ են աշխատանքը հաճույքով անում:



Առաջադրանքներ

1



Հարցերին պատասխանում է Թոմը:

Տեքստից օգտվելով՝ ավարտե՛ք նախադասությունները՝ խոսելով Թոմի անունից:

1. Մորաքույր Փոլին ինձ հանձնարարել էր _____:
2. Ես տխրել էի, որովհետև _____:
3. Վրձինը թաթախեցի կրի մեջ և _____:
4. Որտեղից որտեղ հայտնվեց _____:
5. Ամենաշատը նրան չէի ուզում հանդիպել, որովհետև _____:
6. Ես ձևացրի, թե մեծ նկարիչ եմ և _____:
7. Ես համոզեցի Բենին, որ ցանկապատ ներկելը _____:
8. Ես այնպես արեցի, որ Բենն ինքը _____:

2



Օգտվելով տեքստից՝ տեղադրի՛ր պակասող կետադրական նշանը:

- Ախ, այդ դժու ես, Բեն, չնկատեցի:
- Էհ, վերջ տուր:
- Հի, հի: Կոճղին ես կապված, հա՛:

3



Արտագրիր նախադասությունները և գրիր, թե որն ինչ է արտահայտում. **ափսոսանք, զարմանք, վախ, ուրախություն, հիացմունք, դժգոհություն, գղջում:**

Օրինակ: **Ավանդ**, արդեն ոչինչ չես կարող փոխել: (**Ջղջում**)

- **Ջան**, էքսկուրսիա ենք գնալու:
- **Վայ**, ինչպե՛ս գլխի չէի ընկել:
- **Ո՛ւխ**, տատիկն իմ սիրած գաթան է թխել:
- **Օ՛ֆ**, ինչ ծանծրալի է առանց ընկերների:
- **Օ՛**, այդքան պիտի սպասեմ:
- **Վոյ**, ի՛նչ ես ասում:
- **Էհ**, սա էլ մի կյանք չի:
- **Ավանդ**, արդեն ոչինչ չես կարող փոխել:

4



Ըստ նկարագրված իրավիճակների՝ կազմիր նախադասություններ՝ օգտագործելով համապատասխան ձայնարկություններ:

1. Ծննդյան օրը քո ուզած նվերն ես ստացել:
2. Ավագ եղբայրդ խոստացել է քեզ տանել սահադաշտ:
3. Պատահաբար տրորել ես ընկերոջդ ոտքը:
4. Շատ գրավոր աշխատանքներ ունես անելու:
5. Ընկել ես և վնասել ձեռքդ:

Օրինակ: **Ջան**, ծննդյանս օրը ես իմ ուզած նվերն ստացա:

ԴԱՍԻՑ ՔԱՂԱԾ ԻՄ ՊՏՈՒՂՆԵՐԸ

Ջան, ես սովորեցի _____

Ո՛ւխ, ես կարողացա _____

Վայ, ես դժվարացա _____

Այս դասին դու՝

- Կկազմես նախադասություններ՝ գործածելով ձայնարկություններ:

- Կիմանաս, թե ինչպես տղաները ներկեցին ցանկապատը:



- Կսովորես դժվարությունները հաղթահարել:

- Կեզրակացնես, որ չսիրած գործն էլ է հնարավոր դարձնել հաճելի զբաղմունք:

ՀՆԱՐԱՄՏՈՒԹՅԱՆ ՑԱՆԿԱՊԱՏԸ

(շարունակություն)

Եթե հնարամիտ ես, կյանքը
հրաշալի կդառնա:



Թոմը մտածեց, ձևացրեց, թե համաձայնում է, բայց միտքը փոխեց:

– Ո՛չ, ո՛չ, Բեն, չի՛կարելի: Մորաքույր Փոլին շատ պահանջկոտ է հատկապես հենց այս ցանկապատի նկատմամբ, որովհետև փողոցի վրա է: Եթե հետևի կողմի ցանկապատը լիներ, ուրիշ բան, նա չէր մտածի: Այո՛, նա շատ պահանջկոտ է այս ցանկապատի նկատմամբ, շատ մեծ խնամքով պետք է ներկվի: Ես համոզված եմ, որ հազար, գուցե և երկու հազար տղայից մեկն էլ չկարողանա այնպես անել, ինչպես հարկն է:

– Մի՞թե, դե լավ, թույլ տուր գոնե փորձեմ: Մի՛ քիչ: Թո՛մ, եթե ես քո տեղը լինեի, թույլ կտայի:

– Բեն, ես սիրով կթողնեի, ազնիվ խոսք, բայց մորաքույր Փոլին... Ջիմն ուզեց անել, բայց նա չթողեց: Չէ՞ս տեսնում՝ ես ինչքան զգույշ եմ, իսկ եթե թողնեմ ու մի բան պատահի՞ ցանկապատին...

– Չէ, չէ, ես շատ զգույշ կ'լինեմ: Թո՛ւյլ տուր մի անգամ փորձեմ: Լսի՛ր, խնձորս քեզ կ'տամ:

– Դե լավ, վերցրո՛ւ:

Թոմը վրձինը տվեց նրան դժգոհ արտահայտությամբ, բայց սրտում գոհ էր: Նա տակառի վրա նստած՝ ոտքերն էր օրորում, խնձորը ծամում և նոր անմեղների համար ծուղակ պատրաստում:



Ջոհերն անպակաս էին: Իրար հետևից տղաներ էին գալիս. նրանք մոտենում էին Թոմին ծաղրելու մտադրությամբ, բայց հետո խնդրում, որ ցանկապատը սպիտակեցնեն: Երբ Բենը հոգնեց, նրա փոխարեն, թղթի մի նոր օդապարուկի դիմաց, ներկելը շարունակեց Բելլի Ֆիշերը: Երբ սա էլ հոգնեց, Ջոնի Միլլերը Թոմից գնեց աշխատանքը, և այսպես շարունակվեց մի քանի ժամ:

Իսկ երբ կեսօրն անցավ, առավոտվա աղքատ Թոմը ուղղակի լողում էր հարստության մեջ:



Նկարիչը Թոմին պատկերել է այնպես, ինչպես դու տեսնում ես նկարում: Ինչպիսի՞ն է քո պատկերացրած Թոմը: Նկարագրիր նրա արտաքինը:

Իսկ ցանկապատն արդեն ծածկվել էր երեք շերտ ներկով: Եթե ներկը չսպառվեր, նա քաղաքի բոլոր տղաներին կսնանկացներ:

Թոմը մտածեց, որ աշխարհը, ի վերջո, այնքան էլ դատարկ չէ: Նա, առանց իմանալու, հայտնաբերել էր մի մեծ օրենք՝



**ԱՂՔԻ
ԱՌԱՋ**

*որովհետև
որպեսզի
ի վերջո*

որպեսզի երեխան կամ մեծահասակը մի բանի ձգտի, անհրաժեշտ է պարզապես այնպես անել, որ նա դրան դժվարությամբ հասնի:



Բացի վերոհիշյալ գանձերից, նա ուներ տասներկու մարմարե գնդիկ, կապույտ ապակու կտոր, որի միջով կարելի էր նայել, փայտե թնդանոթ, ոչ մի բան չբացող մի բանալի, մի կտոր կավիճ, ջրամանի ապակե խցան, մի զույգ շերեփուկ, պղնձե բռնակ, մի շան վզնոց՝ առանց շան, դանակի մի կոթ, նարնջի չոր կեղև ու լուսամուտի մի հին, կոտրած շրջանակ: Ոչինչ չանելով՝ Թոմը շատ լավ ժամանակ անցկացրեց,



Հարցեր

1. Ի՞նչը ստիպեց Բենին, որ նա սկսեց հաճույքով ներկել ցանկապատը:
2. Ինչպե՞ս էր փոխվում տղաների մտադրությունը Թոմի հետ շփվելիս: Ինչո՞ւ:
3. Ընկերներն ինչ՞եր առաջարկեցին Թոմին ցանկապատը ներկելու դիմաց:
4. Ո՞ր օրենքը հայտնաբերեց Թոմը:
5. Քո կարծիքով՝ ինչո՞ւ է պատմվածքը վերնագրված «Հնա-րամտության ցանկապատը»:



Առաջադրանքներ

1



Տեքստից օգտվելով՝ ավարտիր նախադասու-թյունները՝ խոսելով Թոմի անունից:

1. Վրձինը Բենին միանգամից չտվեցի, որ _____:
2. Մինչ Բենը ներկում էր ցանկապատը, ես _____:
3. Լողալու գնացող տղաները _____:
4. Ցանկապատը ներկելու համար տղաները _____:
5. Եթե ներկը չսպառվեր _____:
6. Ես, առանց իմանալու, հայտնաբերեցի մի օրենք՝ _____:

2



Թոմի արարքներից և ցանկապատը ներկելու պատմությունից ելնելով՝ բնութագրիր Թոմին:

3



Գրիր՝ ի՞նչ ես անում դու, երբ քեզ մեծահա-սակները որևէ գործ են հանձնարարում:

Այդ մասին պատմիր Թոմին:

4



Շարունակիր լրացնել աղյուսակը:

Մարդու արարքները բնութագրում են նրան	
Արարք	Բնութագիր
Առանց քո խնդրանքի օգնեց քեզ, որ տեղափոխես իրերդ:	Ուրեմն նա պատրաստակամ է, օգնող է, ուշադիր է, նրբանկատ է:
Ընկերդ քեզ հյուրասիրեց իր քաղցրավենիքից:	Ուրեմն....
_____	Ուրեմն նա ճշմարտախոս է, ազնիվ է, արդարամիտ է:
_____	_____

5



Վայ, վախ ձայնարկություններն օգտագործիր նախադասություններում այնպես, որ արտահայտեն տարբեր հույզեր:



Օրինակ:

– Վայ, մայրի՛կ ջան, տէս,
Բա՛կն ու դուռը լի
Ինչքան սպիտակ
Թիթեռ է գալի...
(Հրճվանք):

– Վայ, չկտրե՛ս, աստված սիրես,
Էս մի՛նն ահա՝ տա՛ր քեզ ծառա:
(Վախ, սարսափ):



6



Պատմությունից դժուար գրիր մեկ պատմողական, մեկ հարցական և մեկ բացականչական նախադասություն:

– Բարև, Թոմ, – անսպասելի հայտնվելով Թոմի կողքին՝ ասաց Արան:

Թոմին մի պահ թվաց, թե իր ընկերներից մեկն է, որ այդպես ծիծաղելի հագնված հայտնվեց իր կողքին:

– Բարև, դու ո՞վ ես, – զարմացած հարցրեց Թոմը:

– Ես Արան եմ: Եկել եմ ապագայից: Դու որտեղի՞ց գիտես հայեր են, – իր հերթին զարմացավ Արան:

– Երբ իմ մասին գիրքը թարգմանեցին, ես արդեն սկսեցի խոսել:

– Իսկ դուք դպրոցում հայերեն չե՞ք սովորում:

– Չէ:

– Իսկ մենք մեր դպրոցներում անգլերեն անցնում ենք: Մեզ համար շատ գեղեցիկ դպրոցներ են կառուցում: Շատ բան ենք սովորում այնտեղ, շատ ընկերներ ենք ձեռք բերում, միջոցառումներ կազմակերպում, խաղեր խաղում, արշավներ գնում: Օրինակ՝ քեզ ես մեր դպրոցից գիտեմ՝ Մայրենիի դասագրքից:

– Ինչ լավ է, որ դուք այդպիսի դպրոցներ ունեք, ես էլ շատ կուզեի այդպիսի դպրոց գնալ:

– Արի գնանք մեզ մոտ:

– Չէ, ես դեռ ցանկապատը պիտի ներկեմ, – տխուր ասաց Թոմը:

ԴԱՍԻՑ ՔԱՂԱԾ ԻՄ ՊՏՈՒՂՆԵՐԸ



Մեծ լինի մարդ, թե երեխա,
Որ գործ անել նա ցանկանա՝
Պետք է դժվար հասնի գործին,
Հավատացե՛ք Թոմի փորձին:



Այս դասին դու՝

- Կվերհիշես թեմատիկ շարքի ստեղծագործությունների հերոսներին:
- Կկազմես միասնական աշխատանք կատարելու մի տեքստ:
- Ընկերներիդ հետ կորո-

շես, թե որքան ծառ կարող եք փրկել:

- Կկարևորես կազմակերպված և համատեղ աշխատանքը:
- Հետաքրքրաշարժ հարցարանի միջոցով կստուգես ինքդ քեզ:



1



Կարդացե՛ք և որոշե՛ք՝ ո՞ր ստեղծագործության հերոսն է այս խոսքն ասում:



– Հէյ, իմ թոռնիկներ, բարձրից բարձր ձեր երազանքն է աննահանջ ու արթուն:



– Օ՛յ, իմ խաղընկեր, իմացի՛ր, որտեղ կա սեր ու միություն, այնտեղ չի լինի երբեք պարտություն:



– Էյ, էյ, գնացե՛ք, ինձ համար մի շիշ հյուր բերե՛ք, խնդրում եմ:

– Ա՛խ, ես մեծ ուրախությամբ կգնայի, բայց ես ոչ մի կերպ չեմ կարող բացակայել:

– Վայ, ի՞նչ ծուլորեն է ներկը քսում քթիս:





– Էհ, վերջ տուր, հո չե՞ս ուզում ասել, որ դա նույնիսկ քեզ դուր է գալիս:

– Դուր գալ: Իսկ ինչո՞ւ պիտի դուր չգա: Հո ամեն օր տղաներին չի հաջողվում ցանկապատ ներկել:



2



Պատմիր՝ ինչ կլիներ, եթե «Հնարամտության ցանկապատը» պատմվածքում հայտնվեր Զիպուլինոն:

3



ՍՈՎՈՐՈՒՄ ԵՆՔ ՀԱՐՑԵՐ ՏԱԼ

Հարցեր	Պատասխաններ
	Մենք մինչև գործը սկսելը մի լավ մտածում ենք:
	Ընկերներով որոշում ենք, թե ով ինչ պետք է անի:
	Ձեռք ենք բերում անհրաժեշտ իրեր:
	Երբ դժվարանում ենք, դիմում ենք մեծերի օգնությանը:
	Միասին ներկայացնում ենք մեր համատեղ աշխատանքի արդյունքը:

4



Դերային խաղով ներկայացրե՞ք Զիպուլինոյի և Մաստինոյի զրույցը:

5



Նախադասությունները դասավորիր այնպես, որ ստացվի տեքստ: Վերնագրիր և համեմատիր ընկերոջդ գրածի հետ:

- Այդ նպատակով չորրորդ դասարանի աշակերտները որոշեցին ընդարձակել դպրոցամերձ հողամասի կանաչ տարածքը:

- Ուսուցչուհին ցուցադրեց մի տեսանյութ, որտեղ դասն իրականացվում էր բացօթյա տարածքում:

- Աշակերտներն առաջարկեցին ընթերցանության դասերը կազմակերպել դպրոցի բակում:

- Նամակ գրեցին համայնքապետարանի համապատասխան բաժին և խնդրեցին աջակցել տնկիներով:

- Խորհրդակցեցին ուսուցիչների հետ, թե որ ծառերը լավ կանեն իրենց տարածքում:

- Կերպարվեստի դասին նկարեցին իրենց պատկերացրած կանաչ տարածքը:

- Որոշեցին տնկիների և ծաղիկների դասավորությունը կանաչ տարածքում:

- Դիմեցին ծնողների և համայնքի բնակիչների օգնությանը:

- Սկսեցին կանաչապատման աշխատանքներ:

6



Դպրոցում հայտարարված է թղթի թափոնի հավաքման մրցույթ: Ձեր դասարանը որոշել է մասնակցել մրցույթին:

Հաղթող կճանաչվեք, եթե ձեր հավաքած թափոնները լինեն մաքուր և սեղմված:

Հետաքրքրվեք, թե որքան թղթե թափոն է անհրաժեշտ մեկ ծառ փրկելու համար:

Հաշվեք, թե որքան թուղթ եք հավաքել:

Ձեզ հաջողվեց փրկել մեկ ծառ: Եթե ոչ, ապա հաշվեք, թե քանի կիլոգրամ է ևս անհրաժեշտ մեկ ծառ փրկելու համար:

Որոշեք, թե ձեզնից յուրաքանչյուրն ինչ կարող է անել թուղթը խնայողաբար օգտագործելու համար:

7



Եթե ուզում ես իմանալ՝ համագործակցող ես, թե ոչ, քեզ կօգնի այս թեստը: Պատասխանիր հարցերին՝ նշում կատարելով «այո», «երբեմն» կամ «ոչ» սյունակներում:

ՈՐՔԱՆՈՎ ԵՄ ՀԱՄԱԳՈՐԾԱԿՑՈՂ

	Ինչպե՞ս եմ մասնակցում խմբային աշխատանքներին	Պատասխաններ		
		Այո	Երբեմն	Ոչ
1	Հաճույքով եմ ընդգրկվում խմբային աշխատանքներին:			
2	Ստանձնում եմ տարբեր դերեր:			
3	Հայտնում եմ իմ կարծիքը:			
4	Խոսում եմ ցածր ձայնով:			
5	Լսում և ընդունում եմ ընկերներիս կարծիքները:			
6	Համաձայնեցնում եմ իմ գործողությունները խմբի մյուս անդամների հետ:			
7	Ձևակերպում եմ դիպուկ հարցեր:			
8	Աջակցում և խրախուսում եմ խմբի անդամներին:			
9	Ուրախանում եմ թիմի հաջողություններով:			

«Այո» պատասխանի համար՝ 2 միավոր:

«Երբեմն» պատասխանի համար՝ 1 միավոր:

«Ոչ» պատասխանի համար՝ 0 միավոր:

Այժմ ժամանակն է, որ կիրառես քո մաթեմատիկական կարողությունները և հաշվես ունեցածդ միավորները:

Եթե ունես 14-18 միավոր, ուրեմն դու լավ համագործակցող ես:

Եթե ունես 9-13 միավոր, ուրեմն միշտ չէ, որ քեզ հաջողվում է համագործակցել, եղի՜ր ավելի ուշադիր և կհաջողես:

Եթե ունես 0-9 միավոր, ուրեմն պետք է շատ ջանք թափես և հաստատ արդյունքի կհասնես:

ՊԱՅՄԱՆԱՆՇԱՆՆԵՐ

Պայմանանշանները քեզ կօգնեն ավելի արագ և հեշտ կողմնորոշվելու դասագրքի էջերում:

	Խմբային աշխատանք		Ունկնդրել
	Աշխատանք զույգերով		Պատմել
	Մուտքի պատուհան		Աչքի առաջ
	Ամփոփում		Գիտե՞ս, որ...
	Հարցեր		Ներառարկայական կապ
	Առաջադրանք		Միջառարկայական կապ
	Հետաքրքրաշարժ առաջադրանք		Նախագծային աշխատանք (հետազոտական)
«Դեպի վեր» առաջադրանք			Առած, ասացվածք
	Բարդ		Շուտասելուկ
	Միջին բարդությամբ		
	Պարզ		
	Գրել		Նկարելուկ
	Սովորի՛ր հարցեր տալ		Փոխակերպում
	Հիշի՛ր, վերհիշի՛ր		QR կոդ՝ vachagan.am կայքի հղում

ՓՈՔՐԻԿ ԲԱՌԱՐԱՆ

Անապատ – ամայի, ոչ շեն տարածություն, ընդարձակ չորային տարածություն
Անհաս – որին չի կարելի հասնել, չհասնող, ոչ հասանելի, չհաս, անմատչելի

Անհետանալ – չքանալ, կորչել առանց հետք թողնելու, աներևույթ լինել

Անձրևոց – անձրևից պաշտպանվելու միջոց

Աննահանջ – չնահանջող, նահանջի չդիմող, ուժեղ, հաղթական

Անցունակ – անցնելու ունակ՝ կարող: Այստեղ՝ 8-րդ հորիզոնականին հասնող

Անփույթ – փնթի, թափթփված, անխնամ

Արհամարհել – կարևորություն, նշանակություն չտալ, բանի տեղ չդնել

Բրդուն – մի կտոր, պատառ հաց, լավաշ հացի կտոր, որի մեջ փաթաթած է ուտելիք

Բույր – հոտ, բուրմունք

Գալիք – ապագա, լինելիք

Երևակայական – անիրական, մտացածին

Զմրուխտ – վառ կանաչ գույն, թանկարժեք քար

Ընծա – նվեր, պարգև, ծոն

Ընտելանալ – վարժվել, մտերմանալ

Թովք – գրավչություն, հրապույր

Թև ու թիկունք – հովանավոր, պաշտպան

Խենթ – խելքը խաղերին տված, չարաճճի, ծուռ, գժուկ, խենթուկ

Խորհուրդ – խրատ, առաջարկ, հորդոր

Խսիր – ծղոտից, բույսերի կեղևից կամ դալար ոստերից հյուսած կարպետ

Կայան – կանգ առնելու տեղ, հանգրվան, օթևան, կայարան

Կատարյալ – անթերի, ընտիր

Կարկաչ – հոսող փոքր ջրի ձայն, խոխոջ

Համբավ – հռչակ, բարի անուն

Հարթ – ողորկ, շիտակ, կոկ, տափակ

Հեզանազ – հեզ, խոնարհ, նազանի

Հոժարություն – համաձայնություն

Հորձանք – հորդացած ջրերի արագ հոսք, բարձր ու մեծ ալիք, հեղեղ

Հույզ – հոգեկան ապրում, զգացմունք

Հուզիչ – հոգեկան ապրում, հուզմունք, զգացմունք առաջացնող

Հույս – ակնկալություն, սպասելիք

Հուսահատ – հույսը հատած, կորցրած

Ճայ – ագռավանման սև թռչուն

Մինուճար երեխա – ծնողների միակ զավակը

Մոլորակ – արեգակի շուրջը պտտվող և նրանից լույս ստացող երկնային մարմին

Ներդաշնակ – բարեհնչյուն, ախորժալուր, անուշաձայն, համաչափ

Նվաղել – սաստիկ թուլանալ

Նուրբ – բարակ, բարեկազմ, նրբաթել, վայելչակազմ, գեղեցկահասակ

Շառաչ – աղմկալից ձայն, դղրդոց, գոռոց, շաչյուն

Շնորհալի – շնորհներով, ձիրքերով առատորեն օժտված

Ողորմածիկ – լուսահոգի, բարեհիշատակ հանգուցյալ, մեռած, ողորմած հոգի

Չարաճճի – անհանգիստ, աշխույժ, կատակի համար չարություններ անող

Չեմպիոն – պաշտոնական մարզական մրցումների հաղթող

Պանդուկ – գինետուն, հյուրատուն, ճաշարան

Պատվավոր – պատիվ, հարգանք ունեցող

Ջանք – եռանդ, աշխատանքի համար անհրաժեշտ լարում, ճիգ

Սրինգ – եղեգից, փայտից պատրաստված երաժշտական փողավոր գործիք

Սևադեմ – սև դեմք ունեցող

Վաստակ – աշխատանքով ստեղծված արդյունք

Ուխտ անել – որևէ բան անպայման անելու խոստում, երդում տալ

Ուտեստ – այն ամենը, ինչ գործածվում է որպես մարդկանց ուտելիք, պարեն

Քարավան – ուղտերի շարք, որն անապատում մարդիկ ու բեռներ է փոխադրում

Օլիմպիական խաղեր – խոշորագույն միջազգային մարզական հանդիսավոր իրադարձություն, մրցություն, մրցաշար

ՈՐՈՇ ԱՌԱՋԱԴՐԱՆՔՆԵՐԻ ՊԱՏԱՍԽԱՆՆԵՐ

Էջ 6: Առ. 4: Օրինակ՝ հորեղբայր, հողամաս, մայրաքաղաք, մորաքույր, հացատուն: **Առ.5:** Երգող, երգարան, համերգ, քայլերգ, երգչախումբ, երգիչ, պարերգ:

Էջ 10: Առ. 3: Տողերով՝ կարապ, ոգնի, շուշան, տաղանդ: Սյունակներով՝ կոշտ, պինդ:

Էջ 11: Առ. 7: Երազիր, բայց ձեռքերդ ծալած մի՛ նստիր:

Էջ 12: Առ. 9: Ձի՝ սմբակավոր, խոտակեր, ընտանի: Վագր՝ մսակեր, գիշատիչ, ճանկավոր:

Էջ 14: Առ. 3: Ինչքան էլ գիտուն լինես, չիմացածդ մի անգետից հարցրու:

Էջ 15: Առ. 5: Գիրք: **Առ. 6:** Օրինակ՝ ահ, այտ, այր, անութ, արյուն, արտ, թան, թաս, **թույն**, թուր, հայ, հանրույթ, հատ, հատույթ, **հարս**, հյուր, հյուս, հյուր, հույն, հուր, **նյութ**, սան, սանր, սար, սյուն, ստույթյուն, **սրահ**, սուտ, սուր, տարթ, տհասություն, տուն: **Առ. 8:** Դասագիրք, խնդրագիրք, գրապահարան, գրադարակ:

Էջ 23: Առ. 2: Ծով, օվկիանոս: **Առ. 3:** Գետ – կետ – կեր – կոր – կով – ծով:

Էջ 29: Առ. 4: Հարյուրհազարավոր տղաները, հարյուրհազարավոր աղվեսները:

Էջ 32: Առ. 3: Չարաճճի, բրդուն, անձրևոց, բարձունք, արհամարհել, խորհուրդ, սևադեմ:

Էջ 40: Առ. 3: Օրինակ՝ ահ, ավարտ, ավեր, արոտ, արտ, արահետ, արատ, արար, արհեստ, հավ, հավատ, հատ, հատոր, հարավ, հարս, հեր, հոտ, հոր, սար, սարվոր, սեր, սրահ, վար, վարս, տավար, տեր:

Էջ 47: Առ. 2: Դանդաղել, տխրել, քնել, իջնել:

Էջ 53: Առ. 2: Օրինակ: **բ.** Մարդու բերանում կա 32 ատամ: Կրակի բերանն ընկավ: Մկրատի բերանը պետք է սրել: **գ.** Պետք չէ գլուխ գովել: Սոխի գլուխն այս անգամ կարմիր էր: Սարի գլուխը ծածկված էր ձյունով:

Էջ 57: Առ. 4: Գլուխ:

Էջ 62: Առ. 5: Երազանք: Օրինակ՝ աներ, արանք, եզ, երազ, երան, զենք, նազ, քար, քնար, և այլն:

Էջ 63: Առ. 6: Օրինակ: Թռչունը ծալեց թևերը: Ինքնաթիռի թևերի վրա շարժիչներ կան: Մարդը երկու թևով գրկել էր ծառը: Դռան մի թևը բաց էր: Խաչի աջ թևը նախշազարդ էր:

Էջ 65: Առ. 2: Գյուղ կանգնի՝ գերան կկոտրի: Ուս ուսի որ տանք, սարեր շուռ կտանք: **Առ. 4:** Ճե, արքա, մատ, զինվոր, թագուհի, նավակ: Ճատրակ:

Էջ 69: Առ. 6: 23-րդ վանդակում կլինի՝ 1689 կգ 600 գ:

Էջ 70: Առ. 9: Մի ձեռքը ծափ չի տա: Ձեռքը ձեռք կլվանա, երկու ձեռքը՝ երես: Մի խելքը լավ է, երկուսը՝ ավելի լավ: Մի ծաղկով գարուն չի լինի: $1+2+1+2+1=7$: Յոթ անգամ չափիր, մեկ անգամ կտրիր:

Էջ 74: Առ. 3: Դդումը տխուր նստած էր մի կոճղի վրա: Դդումը նստած էր մի կոճղի վրա: Դդումը նստած էր կոճղի վրա: Դդումը նստած էր:

Էջ 79: Առ. 6: 1. Չամիչ: 2. Կիտրոն: 3. Պղպեղ: 4. Սոխ: 5. Բալ: 6. Լոբի: 7. Վարունգ: 8. Լոլիկ: Ընդգծված սյունակում կարդացվում է՝ Չիպոլինո:

ԲՈՎԱՆԴԱԿՈՒԹՅՈՒՆ

«ՈՎ ԵՆՔ ՄԵՆՔ» թեմայի սկզբնականը	3
Երգ բառերի մասին - Երվանդ Պետրոսյան	4
Գորգի տակ - Դոնալդ Բիսեթ	7
Հարստություն - Սիլվա Կապուտիկյան	13
Ճայը և սագը - Մխիթար Գոշ	17
Գետը - Համո Սահյան	22
Փոքրիկ Իշխանը - Անտուան դը Սենտ-Էքզյուպերի	25
«ՈՎ ԵՆՔ ՄԵՆՔ» թեմայի ամփոփում	31
«ԻՆՉՊԵՍ ԵՆՔ ՄԵՆՔ ԻՆՔՆԱՐՏԱՀԱՅՏՎՈՒՄ» թեմայի սկզբնականը	35
Անահիտ - Ղազարոս Աղայան	36
Պապիկը, որը չէր կարողանում հեքիաթ պատմել - Ջաննի Ռոդարի	45
Եղեգը, որը շատ էր ուզում դառնալ սրինգ - Ղուկաս Սիրունյան	50
«ԻՆՉՊԵՍ ԵՆՔ ՄԵՆՔ ԻՆՔՆԱՐՏԱՀԱՅՏՎՈՒՄ» թեմայի ամփոփում	56
«ԻՆՉՊԵՍ ԵՆՔ ՄԵՆՔ ԻՆՔՆԱԿԱԶՄԱԿԵՐՊՎՈՒՄ» թեմայի սկզբնականը	59
Ամենաբարձրը - Երվանդ Պետրոսյան	60
Շախմատ - Ռաֆայել Հայրապետյան	64
Չիպոլինո - Ջաննի Ռոդարի	71
Չիպոլինո (շարունակություն)	75
Հնարամտության ցանկապատը - Մարկ Տվեն	81
Հնարամտության ցանկապատը (շարունակություն)	86
«ԻՆՉՊԵՍ ԵՆՔ ՄԵՆՔ ԻՆՔՆԱԿԱԶՄԱԿԵՐՊՎՈՒՄ» թեմայի ամփոփում	92
Պայմանանշաններ	96
Փոքրիկ բառարան	97
Որոշ առաջադրանքների պատասխաններ	98

ՎԱԶԱԳԱՆ Ա. ՍԱՐԳՍՅԱՆ
ԵԼԵՆԱ ԶԻԼԱԿՅԱՆ
ՔՆԱՐԻԿ ԳԱԼՍՏՅԱՆ

ՀԵՂԻՆԵ ԽԱԶԱՏՐՅԱՆ
ՍՈՒՍԱՆՆԱ ԳՐԻԳՈՐՅԱՆ
ՆՈՒՆԵ ՍԱՐԴԻՍԱՆՅԱՆ

ՄԱՅՐԵՆԻ 4

Հանրակրթ ակաճ դպրոցի դասագիրք

Մաս 1

Խմբագիրներ՝	Հրանտ Վարդանյան
Սրբագրիչ՝	Արտաշես Թաղևոսյան
Էջադրող՝	Նարինե Գևորգյան
Ձևամուղ՝	Սարգիս Միքայելյան
Տեսանյութերի	Վաչագան Ա. Սարգսյանի
պատրաստումը՝	Սարգիս Աբրահամյանի

Տպագրությունը՝ օֆսեթ: Չափսը՝ 70x100 1/16:
Ծավալը՝ 6,25 տպ. մամուլ: